

介休縣志

卷十五

藝文

詩

卷十四

雜志

介休縣志卷十三

藝文 詩

題回鑿寺

唐太宗

回鑿遊福地極目玩芳晨寶刹遙承露天花近足春  
鐘交二響法日轉雙輪寂爾真仙境超然離俗塵

南出雀鼠谷答張說

元宗

雷出應乾象風行順國人川途猶在晉車馬漸歸秦背  
陝關山險橫汾鼓吹頻草依陽谷變花待北巖春聞有  
鷺鷥客清詞雅調新求音思欲報心迹竟難陳

扈從南出雀鼠谷

張說



(109516)

山西省圖書館  
地方文獻

05571

豫動三靈贊時巡四海威陝關凌曙出平路半春歸霍  
鎮迎雲罕汾河送羽旗山南柳半密谷北草全稀遲日  
宜華蓋和風入袷衣上林千里近應見百花飛

奉和聖製同二相南出雀鼠谷

張九齡

設險諸侯地承平聖主巡東君朝二月南旆擁三辰寒  
出重關盡年隨行漏新瑞雲叢捧日芳樹曲迎春舞詠  
先馳道恩華及從臣汾川花鳥意併奉屬車塵

徐安貞

兩臣初入夢二月扈巡邊澗北寒猶在山南春半傳頌  
聲先奉御辰象復回天雲日明千里旌旗照一川柳陰  
低輦路草色變新田還望汾陽近宸遊自窅然

奉和聖製答張說扈從南出雀鼠谷

宋璟

秦地雄西夏并州重版圖禹行山啓路舜在邑爲都忽  
視寒暄隔深思險易殊四時宗伯敘六義宰臣鋪徵作  
宮常應星環日每紆盛哉逢道合良以致亨衢

袁暉

魏國山河險周王警蹕迴九旗雲際出萬騎谷中來石  
路行將盡烟郊望忽開賞矜垂柳報春畏落花催興  
橫汾什恩褒作頌才小臣瞻日月延首詠康哉

席豫

鳴鑿初幸代旋蓋欲橫汾山盡千旗出郊平五校分前  
林已暄景後壑尚寒氛風送簫韶曲花鋪黼黻文鹽梅  
推上宰禮樂統中軍獻賦紆天札飄飄飛白雲

梁昇卿

何意重關道千年過聖皇幽林承睿澤閑客見清光日  
御仙途遠山靈壽域長寒雲入晉薄春樹隔汾香國佐  
同時雨天文屬歲陽從來漢家盛未若此巡方

蘇頌

兩施巡方罷雲從訓俗迴密途汾水衛清蹕晉郊陪寒  
著山邊盡春當日下來御祠元鳥應仙仗綠楊開作頌  
奇傳雅觀文色動台更知西向樂宸藻協鹽梅

王光庭

省俗恩將徧巡方路稍迴寒隨汾谷盡春逐晉郊來雲  
騎轉行漏煙旄引從僮惠風初應律和氣正調梅雅頌  
通宸咏天文接曙臺霸陵桃李色應待日華開

崔翹

陝路繞河汾晴光拂曙氛笳吟中嶺樹仗入半峯雲頓  
覺山原盡平看邑里分早行芳草迴晚憇好風熏嘉頌  
推英宰春遊扈聖君共欣承睿渥日月照天文

詠郭有道

盧照鄰

大漢昔云季小人道遂振玉帛委關尹斧鑕嬰縉紳邈  
哉郭先生卷舒得其真雍容謝朝廷談笑獎人倫在晦  
不絕俗處亂不違親諸侯不得友天子不得臣冲情甄  
負甌重償折角巾悠悠天下士相送洛橋津誰知仙舟  
上寂寂無四鄰

賜文彥博致仕

宋神宗

四紀忠勞著三朝聞望隆享茲難老祉報在不言功富  
矣勲彌大居焉貌甚冲四都舊士女白首竚瞻公

瓊林苑賜宴恭紀

文彥博

竊祿叨榮四紀餘退思僥倖亦無如趨朝再覩新宮省  
解綬還歸舊里廬報國丹心明皎皎戀軒疲足去徐徐  
羣公盡出東門祖盛事光於漢二疏

遊編山

張商英

夕陽返照影流東點點寒鴉過遠峯漁叟罷竿收釣餌  
牧童吹笛弄秋風日光隱隱沉滄海山色青青聳碧空  
萬壑千崖增秀麗往來人在畫圖中

題介子祠

并序

介子推不忍舅犯之要君攜母以去求仁者也  
世傳龍蛇章厚誣義士作詩以辨之

十九年從晉重耳艱棘憂危同踐履田中丐食桑下謀  
繭足周旋垂萬里一心奉事不自欺逆知天意開公子  
及河忽聞舅犯言如以朝衣蹈泥滓鄙夫豈可與同行  
攜母入山甘隱藏公子歸國霸業強築壇踐土尊天王  
大夫卿士環珮鏘斬祛寺人分頡頏念子咎者偕奔亡  
舍我長逝情怛傷大蒐縱火焚山岡烈焰不肯回剛腸  
嗟呼義士烏可量何人謬作龍蛇章

登綿山上方

金周昂

環合青峯插劔長山平如掌寄禪房危闌半出雲霄上  
秘景中收天地藏野濶羣山驚破碎雲低滄海認微茫

九華藉甚因人顯迴秀殊憐天一方

途次張南

石玠

迢遞張南驛蕭然動客愁天風吹木葉落日盡城頭兵  
氣逢秋肅河聲入夜流那堪久行役搔首獨登樓

清明日遊光巖寺

元鈕克讓

及茲一百五晴雪尚東臯漲乳分流細梯雲駕石牢碧  
圍沙嶺合紅結寺樓高幸托幽棲地寧辭涉險勞

義棠廢橋

鞭石駕空虛伐山頽崩劣長橋當面起陰靄見虹霓汾  
河動地至崩濤響震霹靂勢壓銅山摧風馳羽箭激水石

相撞擠羣鯨隨蕩析百年締造功遭此洶水擊遂令北  
村民往來無羽翼提榼廢朝沽負囊嗟暮糶坐見病涉  
圖何由救漂溺憶昔結構初十鍾震驄若飛空百丈梯  
運石如運甃橫亘截雲峯突兀立鐵壁萬物無堅牢世  
事等飄焱獨立沙堤邊蒼茫何所適

登南城樓

楊乘

南來綿水抱城隈瀾瀾流沙去復回却上高樓看山色  
畫圖十幅雨中開

送友歸介休

魯翀

游踪曾向薊門過樂府刀環夢裏歌今日青山真踐約  
鬢絲應比昔年多

抱腹巖

明晉恭王

崔嵬峻嶺與雲連梵刹宏開際碧天佛殿有風金鐸響  
石巖無雨綵旛懸優曇砌上花香馥祇樹林中鳥性禪  
信是空王有靈異祥光絢耀起前川

題郭有道

薛瑄

幾經滄海變桑田高塚長留古道邊瑞鳳有時鳴曉日  
冥鴻終古沒秋煙關河迢遞膺舟隔江漢空茫雅信傳  
千載有碑應不愧路人猶自識高賢

綿山怨

李東陽

五蛇上天一蛇螫綿山經月火不滅君侯恩重翻爲仇  
不如放作山中囚君侯有臣一非少貪天之徒但自保  
臣心見母不見君誰言母死非君恩今辰何辰夕何夕  
留與千年作寒食

介休道中

程可中

征旅聊因當勝游庶饒那復數中州雪融隙地培桑棗  
日出通衢噎馬牛望望綿山侵面出時時汾水避人流  
太行春色黃河外猶自嚴寒滿敝裘

綿山懷古

謝榛

綿山憶介子歿後幾千春獨有英明主終憐患難臣斷  
霞餘古燒悲鳥自荒榛歲歲逢寒食其如惆悵人

過介休

馬卿

林宗不絕俗介子固深逃秉心各自潔夷惠豈殊操嗟  
我尚縻祿憂思日夜勞終然慕高爵長揖過林臯

題林宗墓

韓邦奇

四海誰扶漢室顛桐江風節一絲傳知君真隱真明哲  
千載人稱范母賢

題介子廟

趙訥

蒼蒼綿嶺土松柏滿山椒古廟今猶在殘魂不可招乾  
坤留舊跡陵谷變前朝斜日西風起林巒自寂寥



綿山卽事

高陰垂柳下曲水古村邊便可班荆坐因之枕石眠  
萋萋芳草地淡淡白雲天攜有壺中酒醉鄉處處然

興國寺

勝遊憑地主流憇有柴門預問登山路還將窮水源  
古槐列疎冷老柏聳駢繁閒對高僧坐鳴鐘晝已昏

鐵索嶺

節節高巖上誰知復有山便當安見在何事費躋攀  
天險本自絕人爲故不閒因憐好進者豈止仕途間

題林宗墓

祝顯

四海頽波正橫流寒裳猶自遠周遊笑談不顧三公碑  
標榜終懷八顧憂舉世英豪攀逸駕至今風度想仙舟  
松青雲白南山下多少行人拜墓邱

介子

楊伯柯

公子值家難出亡十九年羣賢從之遊險巇相周旋  
一朝返晉國榮名中夏先晷此從亡者祿位皆翩翩  
介子實有功偶爾相棄捐烈士期無求逃之綿山巔  
求之不肯出甘從烈焰煙此行誠過中所執何其堅  
一愧臣懷利再愧君簡賢三愧沾沾者微勞急自宣

郭有道

東京主德衰舉世尚揚摧士論日以清朝政日以濁不知禍所基猶自矜高卓及乎黨錮興善類遭矜犗賢如李杜輩駢首就刑劉哲哉郭林宗千仞翔鳳鸞和不與物比清不與衆角立身有長儀讒怨無由作至今土一抔人倫仰先覺

文潞公

潞公眞天人四朝仰耆德臨民多惠政立朝有典則兩與定策功敢貪爲己力出入五十年樂善常不及年高德彌懋綜理恒抑抑外使瞻令儀改容而卻立匪直一代光百世欽勵翼蜀中奇錦進公如日月食介也誠直臣公論則過激公量眞休休力請還故職嗟彼贈行詩詈公爲奸慝興觀羣怨體恐不類此逼一倡衆和之毋乃近滄滄

望綿上懷郭有道先生

孔天允

鴻飛白雲中衆鳥徒營營達士一何遠杳然凌太清內蘊保身哲外無絕俗貞橫波順仙棹角巾偶華纓誓將斷巨鯨支彼天柱傾時哉不我與高嶺獨含情

咏介子

雷嘉祥

多難從亡日閒關復國時股剖心獨苦身隱祿終辭天力將誰証孤忠只自知骨灰名不燼千載仰新祠

謁有道先生墓

沈鍾

草根沙軟霜華白客衣馬上寒於鐵介休縣僅半舍餘  
 突見高墳俯城陌乃知縣人郭林宗千古於茲妥魂魄  
 挽衣下馬立斯須北面稽首躬趨謁憶昔漢季丁桓靈  
 黨錮之禍如蝟興海內英賢被名誤枉死不獨滂與膺  
 君名當世良不薄角巾折亦人爭學胡為明哲獨全身  
 黃鵠高飛能寥廓我欲起君一問之九原邈矣將奚為  
 青山亦復不能語三復扼腕空遐思嗟乎三復扼腕空  
 遐思

題有道祠

蕭啓

暫停車馬謁荒祠高節清風想昔時明哲獨能逃漢黨  
 人亡誰解慟周詩斷碑零落藏榛莽古墓荒涼近路岐  
 英爽若存應識我生芻莫訝莫來遲

謁有道祠

胡漢

先生出處漢人豪半畝祠堂伴野蒿古木寒鴉棲未穩  
 霜清天濶月輪高

半癡

小鳥形半于雉名半翅癡而易  
 襲又名半癡綿山有之詳物產

徐涓

厄與癡相半禽將鼠共縣上谷人與黃鼠共稱味雖共客好名却  
 使人憐所下惟雙筋何妨少一拳如聞三嗅叟笑殺雉

羹筵

題介子祠

林魁

年年寒食動春愁，生不明心死便休。但使亡人能返國，恥將股肉易封侯。山中松柏燒難盡，身後封疆草自秋。千古清風祠下水，東風停旆噉寒流。

題介子祠

巨川

之推遺廟古城邊，瞻拜衣冠尚儼然。三月禁煙俗可怪，千年割股事空傳。雨晴綿上生芳草，春曉山前叫杜鵑。駐馬行臺評往事，應知不愧伯夷賢。

謁有道墓

炎祚終朝黨禍成，見幾明哲只先生。冥鴻肯受樊籠制，一木寧支夏屋傾。斜日短垣封宿草，清風高塚倚荒城。中郎一代文章手，天與斯銘獨稱情。

題介子祠

曾啓

荒祠下馬讀殘碑，知是當年介子推。愛主不辭刀割股，入山難免火燃脂。生前錫爵恩何薄，死後封田愧莫追。千古令人傷往事，杏花風雨禁烟時。

龍蛇章辨

薛忠

武王伐紂，舅犯要君，夷齊恥食周粟而餓首陽。介子不受晉祿而隱綿山，義士之心一也。

義士甘藏，必有緣夷齊。介子豈徒然採薇自恥吞周粟。

赴火誰能祿晉田  
餓骨於今還未朽  
殘灰千古有餘煙  
何人謬作龍蛇語  
定是齊東野老傳

弔介子

黃洪昆

地迴龍蛇蟄山空  
玉石焚貪天慚衆  
語真隱自無文只  
抱丹心苦難忘白  
髮慙年年寒食節  
風雨不堪聞

過林宗墓

角巾吹折憶王孫  
出使星輅過古墳  
汾水魚龍問白晝  
漢家宮殿正黃昏  
保身暗識高賢恨  
駢首誰招黨錮魂  
千載精靈何處是  
鶴鳴華表夜深聞

由關子嶺發兵入綿上

高叔嗣

戎衣曾事主羽檄  
日徵軍敢奮一朝  
畫而邀百戰勳深  
山連古木落日斷  
黃雲愁思荒村夕  
誅求不忍聞

題介子祠

楊巍

每於青史想高風  
故里經過悵望中  
欲弔當時栖隱處  
滿山殘樹夕陽紅

幾年孤趙共艱難  
一死夷齊伯仲閒  
落日荒祠汾水土  
行人猶說晉河山

龍蛇寂寞一祠存  
濁世誰知處士尊  
漫向綿山尋舊迹  
火能燒骨不燒魂

題有道祠

蘇舜澤

高張琴絕絃暗投珠委路嗟哉東都士禍樞踵危步穆  
穆郭林宗深心托幽素含章貞自抱識微幾早悟仙舟  
聊可並墮甌豈堪顧懿彼烝民章明哲伊誰賦

題有道祠

高魁

先生德望斗山魁棟宇相傳自宋來綠印濃陰閑白晝  
紅飛疎影點蒼苔得君應配文丞相甘節何慚介子推  
隱弗違親真絕俗清風斷不易三台

源泉

王一魁

縣治東南三十里有泉出山下名源泉分東中  
西三河余爲濬渠均流溉田萬畝三著約京以

息爭端民甚便之又改建源神祠宇祠前起樓  
曰鳴玉又構軒於左曰趨稼賦詩以紀之

三河北去是橫汾目極平川幾派分遠浦連天都入畫  
回風吹浪動成文決渠競注知時雨奮插俄興觸石雲  
爲問田家何事業休將游惰悞耕耘  
倚山樓閣鬱崔嵬蜃氣疑從海上來入檻泉聲鳴珮玉  
當簷樹色落樽罍將雛野雉高還下驅犢農人去復回  
欲向秋風重寓目離離禾黍繡成堆

賈侯夫婦殉節詩

任尚智

喬晞鼙鼓鎮城頭隱隱寒雲入陣愁熱血千年能化碧

長松五夜獨吟秋穹碑猶自書遺蹟毅魄還思報敵讐  
攜手重泉堪白首雙魂來往颯靈虬

介休

國朝 顧炎武

淡霓生巖際奔泉下石間龍蛇方起陸雀鼠尚爭山雨  
靜前村市秋凋故國顏介君祠廟在風義復難攀

過郭林宗墓

路畔纍纍墓石多中郎遺愧定如何應憐此日知名士  
到死猶穿吉莫鞵

望綿上忌坂

王士祿

南望介休郭青山鬱相嚮爲問斯何山云是古綿上子  
推從亡返託迹此巖嶂公子詎烏喙斯人自遐尚旣殊  
少伯逃復異靈均放焚林良已奇抱樹或過當疇知志  
士心未易恒情量誰代歌龍蛇其迹類怨望棲隱儻不  
終懼爲高人謗田光齒利劍瀨水沒清浪所貴明一名  
何能畏死喪嗟彼苟且人浮沉詎爲曠

汾上雜詩四首

錄一

幽巖開抱腹古佛見空王供給青衣出經行白鹿將玉  
毫猶髣髴金字久銷亡兼說回鑿寺遺基蔓草長

介山

王士正

驅車綿上聚懷古綿上田授璧事已遠遺跡今虛傳晉

國昔多難公子實大賢五蛇爲之輔一蛇獨者乾身隱  
竟焉文狐趙羞比肩逃榮誼固高報德理亦然徘徊望  
忌坂落日無寒煙何人貪天功嗟哉南內年

郭有道墓

大槐坂上逐車塵爭效先生折角巾至竟清流解亡國  
望門投止是何人

謁文潞公祠

精神如破貝州時晚節猶能動四夷天遣不同韓富沒  
姓名留冠黨人碑

抱腹巖

朱之俊

履行盡處一岫懸石屋豁訝別有天乍可對山初學定  
若將呼鳥共參禪澗流嘗帶鐘聲去霞色偏從殿影旋  
爭說曹溪衣鉢在開函彷彿迸青蓮

龍巖會

俗緣未脫也難攀甚幸芒鞋度此間漫問僧閒何所事  
爲言雲懶亦須刪摘來野蕨剛支客步到繩梯始盡山  
搔首層巖真是快不禁長嘯發林灣

小須彌

仰望北山腰烟雲嘗繚繞誰將巨靈斧鑿此懸崖杳石  
室嵌金容鐘聲自昏曉棧道垂空危紅欄絢木杪登頓



未半途瞥見華幡裊始信諸天若不在空虛表層層繞  
須彌七寶光明瞭此地亦復然俯眎何縹緲珠樹列山  
阿應來三青鳥世界可粒藏莫謂須彌小

說法臺

臺嘗說法少人通介立青螺兩壁中霹靂一聲聊當喝  
驀然驚起澗中虹

遊淨土寺

張煊

鷲嶺峇峩在域西此間正是梵王梯偕遊且喜叅龍樹  
乘興應忘過虎溪借問龕燈誰入果試看風絮幾黏泥  
年來不到城東寺今日徘徊路欲迷

題介子祠

傅山

青松白栝十里週樅青柢白祠堂幽晉國園陵迷草木  
綿田香火動春秋名更賣扇傳東海身隱承顏肖故邱  
還慮寒山太枯寂婉容分到牡丹頭

院中有五色傳  
變重台牡丹

介山石乳泉

佛恩滋靜者石乳勅龍潭菡萏瓊茄引摩尼玉線甘惠  
該功德八清徹法身三一勺醍醐足那伽不許貪

三道河二首

三道河邊春可憐桃花一曲起紅烟老夫不解先生樂  
日日偷閑學少年

燒春野老醉桃花花底酡顏隱壽麻古仙名黃鳥一聲紅  
夢醒半鐺石壁碧雲茶

牛泓雨氣

程萬鍾

翠嶽南屏阻眺臨數泓水出半山陰捫蘿路絕千般峻  
吐霧淵涵百丈深崖壁舊留高士蹟風雲常慰老農心  
好將祀事龍湫上歲歲綿田待作霖

獅嶺霞光

層巖虛厰出山腰曙色嵐光互動搖返照初浮丹闕影  
迴峯連掛赤城標清飈拂拂吹餘綺寒鴈飛飛綴絳霄  
雲過忝將仙客去天然圖畫更堪描

過有道祠見公他書中郎舊誄歎美不已因紀以

詩

吳雯

繫馬古槐下槐花石堂偏誰書有道碑古法蛟龍纏其  
文中郎舊書亦堪比肩嗟哉濁堂老縱橫照秋烟鴻都  
蹟久蕪幃幕留殘鐫夏承誰呵護靈光猶巋然巍巍九  
疑頌託迹於神仙此碑妙接武絕響續千年梁鴻鄙不  
爲頡頏或後先我來重嘆息典型欣目前坐卧欲三日  
苦被屢累牽上馬再回首孤鵬方高騫

勝水觀音院小憩

磴道交初地千山紫翠重晴雲消檻竹春雪覆巖松汲

澗谷中得尋僧林下逢人家還幾里明月挂南峯

宿義棠用壁間韻

澗澗橫汾水波光動雀離壠斜山麥短石迸野藤欹乳  
燕朝啣藥棲鳥晚護枝天涯先一醉莫問夜何其

再過有道阡

有道芳阡接翠微石門松檜只依依風吹葵麥颯颯出  
日下祠堂蝙蝠飛墊角何人爭慕義瞻烏誰屋早知幾  
九原應使先生笑輦路而今走布衣

義棠壁上次謝人韻

無端帝里經年住依舊麻衣未拜官雙闕已辭池上步  
三峯真省夢中看途逢腰裏思千里水見崑崙寄一竿  
從此草堂鄰里熟阿誰重着鷓鴣冠

郭林宗祠下觀傅青主鄭谷口重書蔡中郎二碑

用少陵李潮八分小篆歌韻

周在浚

軒頡文字不可見金石之刻飄殘雲劫灰之後若壞寶  
西漢以來真八分歐趙當時已嘆息後之寶者誰爲真

太原傅山筆力健以意摹寫多丰神我友鄭八號稽古

秦碑漢碣身相親當時客都下硯山

孫退谷少宰

曾卜鄰石

經遺字數晨夕寢斯食斯如對當時人重爲臨摹儼然  
相祠中兩兩同西向波撇矯健俗書遠興來老腕休屈

強中郎之文無慚容谷口之字多雄壯千載萬載難磨  
宕傳鄭今時李郭行我來坐其下摩挲還作歌碑乎碑  
乎從此流傳歲月不可紀風風雨雨奈此貞珉何

遊綿山

李錄予

欲尋牛斗走星躔鑿石穿雲一線牽就壁較難蜀棧路  
臨巖直盡晉陵天虎踪不度兔梁險鴉眼愁窺螺頂旋  
生好探奇殊未解憑教引去杖頭煙

題有道祠

金一鳳

大木行將傾一繩豈能繫嗟哉廚顧儔乃欲一身濟栖  
栖念時艱空隕都市涕斯人早見幾清隱非違世舒翼  
翔區外超然獨遠世千古無閒言遺像垂瞻睇高風不  
可揖三復中郎褐

題有道墓

金應玉

不須高塚卧麒麟大道遺阡迥出塵黨錮已灰悲漢月  
神仙曾渡羨河濱星中亦識難支木雨裏偏摹偶折巾  
千古風流如一日殘碑雲護落花春

蜂房泉

劉煥

鐵門洞口偶然開玉乳香泉漱齒來莫謂高懸非瀑布  
依稀風景亦天台

介子

降緯

重耳昔逃翟五蛇已崢嶸天未厭唐叔邂逅逢羣英介  
子能致身抗志而經營飲冰厲風節魴魚尾何頰酸辛  
十九載否極時當亨如何從亡者寵利居功成臨河授  
白璧欲誓終始盟貪天非吾事太息勿復明中道各異  
志荒途去無聲蕭條悲風急慘澹寒雲輕徘徊祠堂古  
悠悠起深情山木感子意參天松柏盈流水有餘恨清  
泠濯我纓甘心赴高義豈必霸業榮九章誦大德雅韻  
爲哀鳴

郭有道

先生抱經濟懷寶非本初嗟哉東漢季刑臣握朝樞亢  
龍適遭悔節鹿能無慮不見陳李輩糜爵成剝膚達人  
早知幾翔鴻超天衢教授後來士角巾安我廬藻鑑雖  
甚精弗與危言俱大隱全其真何必逃海隅苟遇國盛  
時豈不樂簪裾應詔登蒲輪忼慷陳廟謨一日而千里  
王佐寧讓諸我道旣不行乃甘山林居生前仰高行死  
後留令譽屹屹中郎碑至今愧色無

潞公

潞公何如者異人代罕觀勲業聞四夷奇錦詞空奏道  
交邵與程功懋韓與富元老真耆英黨籍名益茂洛中  
近帝居乃以養眉壽千秋存桑梓年年陳俎豆

經郭有道宅

袁學謨

西河高士昔稱仙蓬華餘暉別一天剪韭只知延上客  
窮經不厭鑄羣賢龍歸溟海雲霞淨鳳隱丹邱毛羽全  
漢代英雄今已矣寒鴉猶噪舊廬邊

郭有道墓

沈育

東漢多賢達人倫君最優士林爭折角仙侶羨同舟品  
在君宗上名超清濁流中郎碑不愧論定足千秋

過張侍郎靜觀園

董文驥

曾識張公子孤兒位侍郎牛衣終未徙鵬舍亦堪傷舊  
業園花在新枝砌竹長何如盤水劍妻子竟投荒

遊綿山

梁錫珩

危樓百尺佛龕懸望裏蒼蒼色蔚然樹起山椒常碍日  
雲連僧舍欲低天林間風靜啼幽鳥壁上音清落細泉  
難得數弓閒隙地長依蘭若奉金仙

虹霽橋望月

橫亘長霓跨碧潭波光搖漾月光涵倚欄望處連天一  
舉酒邀之對影三寂寂林霏生遠岫深深樓閣隱浮嵐  
伊余別有狂生態星斗思從水底探

重遊綿山

誰削諸峯峭雲依衆壑閒遊人前度至飛鳥幾時還兩

哀香凝閣天空翠滿山扶筇歸去晚明月在松關

登城南奎樓

南城傑閣鬱岩峩閑倚危欄逼絳霄搔首直疑通帝座  
羅胸還欲摘星杓雲連百雉高難並峯擁千螺勢可招  
咫尺瓊樓應未遠乘鸞一聽王人簫

雨中張侍衛招遊城東諸勝

王清

冒雨出東郭秋原恣遠眺經過大槐坂停驂一憑弔雲  
樹總模糊山容益窳窳緬懷漢代人乘車契同調而我  
偕素心探幽忘泥淖古刹撫殘碑書類王逸少磨滅半  
楞伽僅識開元號逶迤向石桐徑紆景愈妙寶樹碧參  
天虬枝殊蜩蟻徙倚秀色閒意得發狂叫豈敢肆冥搜  
聊以適吾好薄暮整歸鞭晚烟出林梢歸來憶登歷浮  
白舒長嘯

回鑿寺

寂寂回鑿寺空留千載名庭荒春草色松冷暮鐘聲龍  
是何年去雲猶絕壁生只今遺像在瞻拜不勝情

南天門

石滑山腰雨雲生澗底風天門從此入仙路莫愁窮放  
眼青霄外遊身碧落中紛紛塵劫事蕩滌一時空

蠡房泉

萬派出天門尋源日已昏細知通石髓遠亦接雲根冷  
滴清潭月香流碧蘚痕一瓢吾自足至味與誰論

白雲洞

幽洞藏何處白雲長自閒風輕時出岫雨歇倦歸山知  
是仙靈窟迥非塵世間朱門高掩者嘆息幾人還

抱腹巖

寺古雲常在巖空勢欲傾此中真得地以外縱浮名鳥  
拂金鈴渡僧緣石隙行坐聽梵響處花雨落無聲

鐵索嶺

已絕雲梯路何須百計通直教緣索巧竟欲勝天工世

事多行險人情只踏空不堪臨絕頂回首泣途窮

虹霽橋望月

王文輝

冰輪斜照古橋頭野曠星稀水欲浮鵝鵲夜驚飛遠樹  
鯨鯢影動吸中流千家砧杵敲寒月萬古迴波滾素秋  
咫尺仙宮真境在隔隄鐘磬響清幽

有道阡醉歸口號

黃振謨

鎮日提壺坐古槐醉酣冒雨踏蒼苔兒童拍手看巾墊  
又向林宗墓上來

雨後集聖教洞

張新政

雨餘饒野趣知己况重逢策杖尋山寺因風識曉鐘烟



深迷遠樹酒醒對前峯坐覽情無已高吟興自濃

郭有道墓

姚湘

人倫東國想遺踪此日經過馬鬣封一木勢難支大厦  
六屯禍不及潛龍登仙祇合同元禮表墓寧須藉蔡邕  
更有申屠共標格高風樹屋獨名備

望綿山弔介之推

方士模

拔地蒼崖起岌嶷劃碧天晦明秋色裡凹凸暮雲邊白  
骨旌何補青烟禁尚傳幾時一籐杖憑弔倚層巔

介休

李宗潮

昔賁偕隱地綿上舊耕田霸業何堪問風流尚可傳烟

涓村禁火日落澗鳴泉蹈海同心跡吾將弔魯連

宋神宗賜文潞公詩石刻

曹學閔

元豐失道升羣佞王蔡紛紛執朝柄偉然碩果推潞公  
灌灌老夫留正性河陽出判移魏都身在外臺如棄屏  
偶然入贊饗禮成優進公階行賜慶連章乞退仍慰留  
改守洛郊被新命瓊林錫宴寵其行祖道簪裾互輝映  
宮中寶器出侑觴更有宸章發高詠君臣唱和一時榮  
髣髴廣揚際全盛流傳貞石幾摩挲零落遺聞光志乘  
當時中外多名臣曲說何爲惑主聽如公聞望冠三朝  
曷不疇咨授國政賜詩雖美奚足言裕陵遺恨消雅正

漢槐

康載嘲

有道祠前卧古槐相傳當日手親栽千秋榮落標孤節  
一代興亡付劫灰偃蹇自安泉石志摧殘應痛棟梁材  
祇今繫馬濃陰下猶見高風拂面來

弔郭林宗

雷大興

清流門戶太分明黨禍從來是激成獨有冥鴻天外落  
爭教人不仰高名

讀文潞公傳

元老威儀肅鳳鸞飛章彈劾本無端結交果屬由奇錦  
唐介何因亦貶官

橋橫鹿岍

李生棟

爲卜幽棲叩寂寥還隨鹿跡架危橋若非一木通雙屐  
那得千尋步九霄彷彿晴霓蟠地軸憑陵飛棧入雲椒  
登攀欲問真源路咫尺天閭應未遙

興地別業

梁濬

行行石徑過邨居爲愛綿山對敞廬巖際風迴常拂座  
隴頭水到卽成渠天空靜夜宜看月草閉閒門好著書  
坐此可消塵俗慮不妨身世溷樵漁

遊雲峯寺

萬壑千峯裏迢迢一徑深山花生古道溪水弄清音院

落空巖覆欄杆絕磻臨居然清淨域小住息機心

蜂房泉

我愛蜂房泉涓涓自不竭下視碧且深一泓更清絕似  
非秋雨灑空林疑有仙人鳴玉琴坐卧移時渾忘去冷  
然清我舊來心

重遊回鑾寺

古寺依山下扶筇復此遊翛然人世外清磬一聲幽窻  
外青山對門前谿水流六龍回輦處千載歎空留

興地卽事

山中宜習靜盡日少人蹤水咽門前石雲移窻外峯啓  
關朝放鶴倚枕夜聞鐘心境俱幽絕相忘世味濃

過聖教洞

小洞人烟外幽深一徑穿崖邊留古木堦下遶寒泉花  
暗禪房曲鐘沈講席偏到來塵慮息吾欲奉金仙

雪後溪底遠眺

策蹇南山野望餘寒烟清氣滿村墟徘徊却憶漁洋句  
雪後溪山畫不如

謁賈侯祠

王檀

金鱗照日壓雲光夫婦捐生矢激昂一死何能全社稷  
九泉聊以答君王綿山有恨雲烟冷汾水長流姓氏香

千載蒼黎悲義烈臨風肅奠桂椒漿

李陵墓

梁木

雲中憶上望鄉臺黃沙極目迷龍堆落日邊城胡笳動  
但聞牧馬鳴聲哀將軍賁志忽以沒不勝憑弔獨徘徊  
君不見鞬汗山下戰鼓絕成安一死早自裁又不見李  
緒教兵爲謀主單于用事無相猜故人數把刀鏢示曷  
不屑意同歸來徒欲得當報於漢曹沫匕首安在哉生  
既莫望關門人何處魂從故國回汾水深深綿山崔崔  
地下孤臣骨應朽愁雲終古鬱未開韓嶺土三尺介林  
樹幾枚由來多感喟寧獨少卿才嗚呼只今鄉人作寒

食乾粥猶能祀子推

賈侯廟

表裏維藩地緣邊偏五戎當塗失其馭分部汾西東劫  
運屬典午妖魚兆夢熊本非池內物况假之雨風一旦  
遭反噬郡邑鮮完壙岌茲彈丸土四面圍梯轡侯竭扞  
禦力城亡身與從矢志豈苟活堪笑賊將崧允矣史臣  
贊芳操美勁松曾謁睢陽廟勒馬弔雙忠靈旗颯颯動  
侍衛森且雄每當春秋社簫鼓奏明宮雞豚爭報賽豈  
但慶年豐維侯流澤遠麻烈先後同隱作山河氣長扶  
社稷功至今蒙保障列戍靖邊烽

抱腹巖

梁璠

蒼翠凌霄漢空巖一徑深留雲峯自潤漏日地多陰鐘  
靜泉聲續霞飛樹影侵因思好道者靈窟欲重尋

西靳暮歸

浦鐘

蟋蟀聲中路扶筇意自閒夕陽低遠樹老眼入秋山雲  
染衣裳濕霜催鬢髮斑賓鴻如有意噉噉暮城閒

抱腹巖

李子浩

抱腹凹千尺午晴透薄曛壁痕留濕處猶滷昨宵雲

自鹿橋抵雲峯寺留宿

董柴

疊嶂斜回一徑平危崖絕處小橋橫烟迷芳草疑無路

風送疎鐘靜有聲歸鳥欲從人面度暮雲多向客衣生  
高僧止宿空山寺相對談禪到五更

上光巖寺

隱現光巖寺林深徑自通山僧逢谷口野鳥下雲中涼  
借千峯雨秋生一樹風南樓高敞處塵慮滌教空

宿光巖寺

行藥山下邨復作山上想探奇徑轉迷聞鐘識所往古  
寺臨山隈虛門出塵埃老僧披衲衣爲我啓方丈坐看  
西嶺雲風吹入禪幌樹頭聞鳥啼谷口出樵響登樓眺  
遠峯更足窮俯仰暝色侵空林未忍罷奇賞遠公夙解

事留止遊人杖旣進陽羨茶復以伊蒲饗夜久息羣籟  
東巖月高朗涼氣襲虛襟彌覺詩魂爽偃卧竹床閒夢  
向羅浮上

自溪底遊增巖道中暮宿圓通菴

真樂發情性逸興緣山林杖履遂獨往沿溪曲徑深疊  
嶂下野樵高樹還暮禽滃然膚寸雲片片出青岑卽目  
皆成賞隨遇欣所尋日暮轉前峯玲玲來磬音拾級叩  
山寺清風滌塵襟屋角東嶺出萬木皆森森飛瀑落澗  
底明月開松陰天低河漢近夜久涼氣侵坐聽梵歌寂  
默默清道心

謁有道祠

偶來東郭外繫馬謁先民高蔭槐猶古遺碑篆又新一  
身超黨錮千載表人倫細雨祠前暮臨風想墊巾

同梁秋谷遊回鑾寺

王佑

倚杖臨前溪看山坐盤石遙遙林木間隱隱梵宮脊指  
點問樵人云是古香積頓然逸興生尋鐘試一覓荒徑  
閒無人疎籬犬迎客驚聞老僧出衣緇頭半白邀我上  
方遊門深殿轉寂老樹八九章松杉雜槐栢虬龍各天  
矯歲月經千百幽蔭覆爲軒古砌苔成席偶聞水聲響  
却疑山翠滴况我山水人夙具煙霞癖更得素心侶

契在疇昔及茲清曠境相對胡不懌或摩空王碑或訪  
太宗跡弔古復談禪盤桓竟日夕

雨中過忌坂

小雨聯朋從爭從忌坂過昔賢棲隱處空見白雲多澗  
石肥苔蘚村烟隱薜蘿介巖知有約一塔已嗟哦

辛酉春再遊綿山途中作

莫春天氣和駕言至谿底崎嶇歷崔嵬曲屈隨流水仄  
徑艱輪蹶舍車憑屐齒行行過忌坂高風懷介于迤邐  
興安窮漸覺邱壑美幽意蕩人胸鳴禽悅我耳午鷄何  
處嘯孤烟出墟里矯首望南山閑雲起復止稍見介林  
松鬱鬱青木已當時舊遊地十年不到此山色只依然  
塵顏殊自恥茲遊已足樂况乃更登履

秦柏行

嬴氏欲亡呂氏易焚坑墮殺運太厄天分地坼萬物天  
終古荒唐留此栢山人好古來探看目悸心駭興轉劇  
屹立盤踞如邱山週遭五丈豎六尺銅柯戟列十餘枝  
最嫩之枝將十圍虬蟠曲屈各異態蛟螭天矯爭騰飛  
颯如風雨密雲霧陰森似有神明依參天拔地何時了  
紛紛朝榮暮卽槁項顛劉蹶都尋常魏篡晉禪事亦小  
城郭人民幾變遷此樹茫茫閱昏曉名棠孔檜人爭頌

此粒當年誰所種豈以不材終天年將無材大難爲用  
材與不材安足論不堪懷古翻成痛岱宗頂蜀相祠篇  
章流播史冊垂嘆哉此樹生空谷悠悠千載無人知

宿介林山樓聽松濤歌

幽禽寂寂空林秋道人宿我山中樓繩牀輾轉不成寐  
但覺耳畔聲颼颼初疑聚雨打窻紙蕭蕭颯颯差可擬  
又似八月錢塘潮恍然身卧江帆裏須臾枕簟生虛寒  
披衣起坐推窻看滿山蒼鬱空瀾漫半輪新月懸林端

有道阡

炎祚丁桓靈政柄窈宦豎清議力持之禍結成黨錮駢  
首逮膺滂不獨喬與固海內多英賢總爲標榜誤哲哉  
郭先生深沉機早悟潛德傾羣公高明謝八顧周道行  
委遲與物無牴牾人倫得藻鑑後學賴陶鑄易挹袁奉  
高難量黃叔度大厦孰能維仙舟誰共渡人亡慟邦國  
野哭見情愴長舒雲外翼洪崖躡高步千秋中郎碑不  
愧表祠墓勝水墓下環古槐祠前樹風雨時經過墊巾  
猶可慕三復烝民詩允爲先生賦

賈侯墓

力盡孤臣致此身琅琅青史炳千春臧洪投命追前躅  
許遠攖城踵後塵高塚一杯留勁草幽魂同穴表貞珉



介休縣志 卷十三  
至今邑里崇祠廟桂酒椒漿禱祀頻

尋利民泉

巖前石溪水曲屈抱荒村邨人便浣汲亦復滋田園我  
來濯其足聒耳聲潺湲緣溪一乘輿因以窮其源逶迤  
六七里不覺到山根古路罕人跡野碓空自喧谷風吹  
不息急湍勢欲奔風水時相遭澎湃難具論仰視白雲  
際峭壁不可援徘徊盤石上回首日已昏返景亂流水  
遠天見燒痕暮矣不能前悵然還柴門

介山卽事

松栢何菁葱千株萬株密匝徑抱清溪陰森礙白日山  
鳥多殊音名字詎能悉驚濤從空來入耳聲瑟瑟引領  
望林端雲開數峯出對此一長吟塵襟忽已失

雨後集聖教洞

地僻人稀到雨餘景倍佳白雲依澗水碧蘚被空堦觴  
詠情何極登臨興未涯留歡須盡醉誰復論形骸  
結構精藍好招尋勝侶偕山嵐青入座草色綠侵階清  
話及禪悅微陰愜素懷何當倩子久潑墨寫吾儕

白雲洞

深山多白雲洞在雲深處竟日寂無人白雲自來去

太虛巖口

宋廷魁

行行太虛口列嶂望中開明滅人烟遠陰晴樹色來山  
根飛白練巖腹隱丹臺忽聽魚山梵冲襟絕點埃

臨鸞鷲泉

半畝新波漲碧池輕風吹暖穀紋遲年年兩岸春如畫  
楊柳旗開上巳時

遊自得菴

絕欄秋光好悠悠水石清西風一破壑南澗滿秋聲日  
出丹崖秀雲開絳葉明何時著謝屐一日一經行

兔橋

當年兔爲梁度入靈官窟不見金輪王猶布提婆篋

鹿橋

曾聞鹿啣草復見鹿填橋分明留覺路接引到層霄

自段屯歸途中贈友

任大廩

出門逢至友驕馬踏青莎春送桃花老風遲柳線多遠  
山留夕照歸路得新歌遙指孤村裏柴扉長女蘿

潞公里

我生潞公里夙仰潞公賢四朝歷政府主幼臣益虔危  
疑起倉猝持重謀安全凜凜大臣節宮禁寧貪緣奈何  
風聞誤飛劾多牽連勲名埒韓富洛社推耆年異人間  
世出高風猶孤騫

介休縣志 卷十三  
借友遊狐岐勝水

汲泉煮茗憇雲堂醉墨淋漓上古牆最是欹斜數竿竹

疎疎清影寫瀟湘

壁間有未  
竹溪畫竹

幽賞難忘自得菴而今何處問三三拈花笑對維摩詰

肯與彌陀寄一龕

自得菴在狐  
岐西二里許

愛菊曾同訪隱淪秋英石畔醉閒人碧波照見龍鍾影  
幾個尊前不老身

秦栢

自別秦時栢今來四十年青蒼常入夢移榻北牕眠  
嘆息秦安在參天栢尚存長城千載月夜夜照靈根

賈侯墓

蛟龍雲雨早寒心底事成都信誤深師下大陵枯戰骨  
城連左國繞笳音忠臣有婦魂同穴故壘爲田淚作霖  
千載遺民懷父母長攜春酒酌松陰

遊狐岐勝水

張聖訓

驅馬出東郭言尋勝水源青山別來久清景縈心魂時  
當春夏交天氣和而溫長松儼偃蓋十里晴雲屯逶迤  
到泉下飛湍瀉石門乍覺玻璃碎還疑珠璣噴鬚眉落  
清鑑荇藻涵深根頰首洄漩處聲若雷霆奔砰訇自大  
古何分晝與昏惟此蕭爽地翛然滌器煩俄有賢主人

愛客移芳樽素心五六輩分體選清言歸途戒徒御月  
色盈前村明日或再至舊蹟認沙痕

有道阡

訪勝出東郭懷古謁先民因嗟漢黨禍名士委荆榛半  
由標榜過褒貶詎全真獨高郭夫子明哲保其身規模  
具遠大德性何深淳非必甘泉石清妙絕囂塵降年惜  
未永不愧羨貞珉嗚呼茅孟輩千載表人倫每經大槐  
坂猶憶折角巾徘徊弔遺塚落日澹高旻

賈侯墓

鬱鬱松楸遶墓週月明長夜一林幽忠魂自壯河山氣

陰雨猶膏麥黍秋澆酒幾杯留故老摛文千載表荒邱  
己丑邑侯王公撰文龍天畢竟成私諡何日恩褒及  
命予隸於墓碑之陰

壘頭

早春歸自南靳

王儒

春信徐徐至幽尋逸興飛風吹瑤草發水漲鱖魚肥遠  
樹含朝雨晴山戀夕暉歸來驢背穩月下叩柴扉

鐵索嶺

峭壁插晴空垂虹幾百丈始知青雲襜可以攀援上

西靳晚歸

王書常

荒村歸去晚幽興尚閒閒槐柳飄殘葉牛羊下遠山夕

陽人影瘦涼露草痕斑更有悲秋思依依雲水間

賈侯墓

李宜麟

誓死真無愧艱難事寡儔忠堪回白日氣已肅高秋衣  
劍埋荒草瑤環掩古邱只今憑弔處幽恨寄松楸

秦栢行

茹綸常

乾坤瀕洞白日夕乖龍夭矯二千尺忽乘風雨謫九天  
墮地森然爲老栢老栢屹立幾歲年曾及焚坑世運厄  
湘山赭蜀山兀聞之寧弗動心魄博浪椎高池壁怪事  
君應皆目擊阿房宮殿一炬空漢寢唐陵遞相易獨留  
此樹飽風霜擁腫支離同社櫟豎不盈丈橫倍之慘裂

鱗皮露鱗骼列柯十餘更攫拏傾側吹香蔭寒碧便疑  
呵護有鬼神遂爾斧斤逃匠伯泰岱峯前蜀相祠往往  
並爲人愛惜何君僂強不受憐匿跡自甘遁荒僻茫茫  
歲月過隙駒對此翻令感今昔劫灰歷盡其天全無乃  
潔身蹈海之魯連不爾亦得不死之藥如徐福靜閱蚩  
蚩笑蠻觸君不見同時松有五大夫載在史冊當非誣  
又不見後此栢號兩將軍得名漢代爭傳聞嗚呼世間  
顯晦亦偶耳君其慎無失所恃五陵裘馬幾馳騫掉頭  
安用邀一顧迄今幸際 聖朝有道時承平萬物長育  
咸得遂其生名棠孔檜去人遠惟君老去餘典型山樞

隰榆皆儔侶耕夫牧豎相逢迎我才遠遜杜陵叟尚能  
爲賦古栢行

漢槐歌

中郎之碑已偃仆古樹天教表邱墓紛紜魏晉閱千秋  
夭矯蛟龍起十步瘦瘦空腔幾百圍週遭綠蔭垂官路  
周模孔楷共一林將軍之名何足數高標幸謝秦皇封  
漢家風月猶如故君不見錦官城外丞相祠終古喬柯  
留炎祚霜皮黛色飽烟霞攀枝往往生餘慕擬歌少陵  
古栢行莫誦子山枯樹賦

李陵墓

北入單于事惘然玉門關已不生還天山嚙雪慚蘇武  
蠶室著書痛馬遷荒塚一杯留夕照高臺千里隔風煙  
雲中有李陵臺 可堪牙爪家聲墮空有河梁五字傳

城東弔劉武周葬處

喬木烽煙外孤城感慨中亡秦多鹿走歸漢有梟雄戰  
壘宵燐聚鳴笳夕照紅頭顱悲異處誰與酌秋風

武周墓只

葬其首

西靳晚歸

策蹇孤村外秋深景物閒幾彎黃葉路數點夕陽山古  
木鴉聲亂遙天霞影斑風吹樵唱起回首暮雲間

上巳鷺鷥泉修禊

正是三春修禊天好從清境集羣賢勝情自許同元度  
佳句誰堪繼謫仙遠眺欲窮千里外重遊空感廿年前  
青山遺廟瞻明德

祠祀堯舜禹

猶有輜櫟往蹟傳

飛閣憑凌碧樹橫照人山色自崢嶸奔雷競注三河水  
斜日低迷六壁城差喜眼前無俗物翻憐身外總浮名  
何時婚嫁粗能了真許辭家學向平

狐岐道中暮歸

野澗千家靜林昏萬木稠天風吹半醉人影散平疇歸  
路見新月前溪聞亂流闌珊賸幽興隨處欲淹留

九日集張蘭谷佳興園

醉把茱萸意悵然已甘邱壑謝羣賢高談我自慙騶衍  
肆志人誰似魯連詎必繫維皆駿足大都騰上卽鳶肩  
年來獨有看花癖每過城南尺五天

春日歸自東郊小憇史侯祠

尋春郊外日斜時一路殘碑紀去思

由史祠至有道祠多厯任去思碑

獨有甘棠遺愛在青山常對史侯祠

過孝子宋如隱廬墓所

梁文五

純孝傳於昔豐碑樹自今故廬烏喔喔如聽蓼莪吟

弔賈侯墓

李沅

一抔埋毅骨滿目總淒涼石馬猶思戰飛騰敢肆狂雲  
寒高塚古草沒暮天荒碑碣留題處雙魂藉表揚

介山思烟臺

程學孔

樹隱綿山路崎嶇石磴連霜寒臺畔草雲過廟旁烟蛇  
蟄焚林後鴉鳴禁火前只今偕隱處臨眺獨潛然

漢槐

王謀文

生意婆娑紀漢年古城風雨弔寒煙二千歲月盤根老  
百尺欄干抱影圓漫樹旗亭留醉客得尋華表拜高賢  
征車頻向花黃過都在先生藻鑑邊

七星槐

五沃之土產嘉木道傍厯厯種如粟昨從城東識漢槐  
銅柯鐵幹贊不足官舍驚看得未曾好奇往往供所欲  
端使身閑雅興多却對軒窓開兔目此樹移來數百年  
深根貫石枝垂屋雲氣遙來山脉連苔痕欲斷波紋蹙  
凝咨爲帶曉烟青交蔭初宜春雨綠香飄漫繫玉駒駉  
葉密應棲金鷲鷲玲瓏七竅嘆絕異錫此嘉名誠不辱  
中藏月魄影惺忪上應星精光熠煜卽今列宿羅心胸  
嘉見文章出筍腹靈秀雖云造化功神奇原不受凌觸  
我來相視若忘形赤脚歌吟屢往復材大希逢匠石嗟  
賞真那不誇予獨摩挲差慰平生心兩袖頻携風穆穆



高譚便可藉花茵清讌無勞設蘧苗天上長看暎白榆  
人間幾度然紅燭但得終朝賦酒泉底須遙夜聞絲竹  
遭遇由來非偶然寄懷豈必都諧俗歸去溪堂繪作圖  
對君日日酬醪醑

綿上

祝德麟

從者二三子亡人十九年貪功臣亦繆偕隱母真賢忌  
坂空殘燒清明尚禁烟五蛇俱已矣無恙舊綿田

郭有道祠漢槐

吳省欽

頽陽瀾漫鵲聲死菘獵陰飈射檐底老蛟脊瘦身百圍  
倒捲濃氛蔽山鬼此樹婆娑是誰植日對林宗無愧色

蒼梭近拂介休城金蓋紛飄洛陽陌雖同屋社覆粉榆  
稍異宮門委荆棘三公當日位朝右水火元黃拉枯朽  
本撥枝傷國步移宵炕晝聶終難守墊巾徵士翩若仙  
高蹈要拍洪崖肩議郎一碑翳深莽怪爾突兀撐邱阡  
腹空屢被電雹破幹古肯受藤蘿纏鼠耳青葱亦凡木  
有人繫紡有人觸樹譽由來重漢京物宜毋乃因唐俗  
君不見槐里令長馳直聲此樹不同殿檻旌又不見槐  
市生徒買禮器此樹不將區宅庀欺霜壓雪善因天集  
鳳栖鸞矜得地久聞過墓禁樵蘇豈數叢祠長條肆石  
闌駁犖暝色拖行掃落葉歌長歌甘泉玉樹問安在槐

介休縣志 卷十三  
乎槐乎千秋萬歲惟爾多嗚呼千秋萬歲卽不惟爾多  
懷人曰槐懷則那

宿回鑾寺

洪世佺

龍飛不記秋山色自悠悠野老誇遺事靈旗空際遊更  
闌風在樹僧定月當樓誰識籃輿與綿田最上頭

遊綿山

秋水肩一笠秋山手一筇綿田高何許乃有白雲封是  
日天氣霽落帽無迴風蒼茫煙色澹下接介林中逶迤  
古竺乾老僧玉鍊容導我過殘橋澗泉聞琤琮噴珠而  
灑雪信如杏飛蜂奇絕大小巖褱壑開佛宗纍纍高復  
下嵐翠藹千重松篁枝掩翳萸菊花陰濃道是焚後葺  
懷古渺無惊噫嘻古之人敝屣輕萬鍾長往不違親甘  
作蟠泥龍褰我身上衣手線密密縫南天雲一抹凝望  
遠愁儂逝將從此去急流聲淙淙

自綿山歸再宿回鑾寺

又作招提宿於焉共嘯歌半生青眼少一榻白雲多濁  
酒從人送黃花笑客醅綿山今日路回首興如何

九日遊綿山

呂公滋

夜宿招提寺朝爲綿山遊初日照林巒青濛霧靄收峯  
迴路曲盤扶筇入深幽峭壁削千仞下瞰澗水流陰巖

生松栢天矯如龍虬峻嶺懸鐵鎖危橋空際浮我來當  
九口木落萬壑秋野菊含露綻紅葉山逕稠石乳滴石  
髓琤琮響不休清冷沁心脾煮茗試一甌歷險至大巖  
敞豁縱雙眸其形如抱腹古刹多比邱云有空王佛昔  
從此地修鑿輅遙相訪飛昇不可求惓懷介子推綿山  
今尚留胡不爲廟祀而以安神麻羣醉茱萸酒陶然復  
何憂天風吹我衣白雲共悠悠薄暮憺忘歸明月滿山  
頭

鸞鷲泉

神鳥何年鳴此山靈泉萬古碧潺潺雲英化作源頭水  
流出青松白石間

石屯村外路西斜半倚山巖半水涯多少遊人隄上望  
春風開遍碧桃花

抱腹巖

劉澤淵

危巖高擁碧天齊環抱禪房百丈低但覺朝昏開圖畫  
更無晴雨到菩提鐘聲隱隱出僧院花氣馥馥撲人面  
無端洞口白雲封多少樓臺不容見

蜂房泉

誰狀蜂房呼石竇危石點頭石方漱果然鑿竅卵不容  
釀就雲漿迸雲封懸崖架屋滴復滴浸破苔衣響轉寂

小立池欄思泠然清泉一勺塵襟滌

南園雜詠

樂數齋

盛世

幽齋無一喧偃仰情彌適誰爲素心人相與數晨夕

藕花塘

迴塘綠雲繞風動荷氣凉亭亭紅藕花下有雙鴛鴦

蒸橋

高助

長橋卧猶龍蒼藤結如蓋倚杖俯清流微風扶襟帶

卷石山房

梁本榮

愛山不住山案上山如掌閒房一支頤殊有巖壑想

問花軒

楊憑元

花落復花開問花春幾許花醉悄無言幽禽相對語

漾月池

孫淮

池波無定影月圓長在天掬水弄明月意得欲忘言

積翠欄

古木含秋色寒山澹夕暉倚欄成小立空翠欲沾衣

聽松閣

李日普

晚翠閣前山濃陰松下徑高閣寂無人松風時獨聽

見山榭

松栢羅小榭依山復面山閒看出岫雲杳靄時來還

白雲洞

峭壁當空洞晴雲散碧天隨風綿絮湧觸石玉峯連定  
看仙人住應迷鶴駕還輸他僧梵後閒共一牀眠

綿山禱雨

祝德全

赤日黃埃妓作災汗珠欲湧石泉開自慙名教由司牧  
不憚雲峯足繭來

伯夷放迹愍推攀千載如焚雨露慳安得首陽神馬使  
夢中邀福到名山

敢言降格鑒推誠婦歎兒號綿上耕回首靈巖雲一片  
霎時霖雨徧蒼生

抱腹巖

王欽

不見巉巉樹生腹腹中空洞架巖屋何年披腹容鬼工  
果然高抱雲根宿鐵索梯懸手挽天巨石怒向崖傾覆  
紅欄縹緲俯林端未臨盤磴足先縮日脚不到供逃禪  
岡巒橫被廊腰束裂開地戶驚蹈虛入壁出壁繚而曲  
指顧身疑上界行如蟻小隊緣陵谷惜無鈴鐸雜風泉  
一聲清磬僧齋粥說法空王擁錫遊斷碑剝落文堪讀  
回鑿寺古記留題聊玩芳晨非祈福我思偕隱入山深  
謁來歷歷尋高躅夜靜疎林颯若人求之勿獲寒烟綠  
遊南園留贈李曉園別駕主人

劉大觀

喬木渾如古丈夫綠天紅雨鳥相呼居停方示維摩疾  
竹醉何人用手扶

辭官新自潤州來江上青山夢幾回家有園亭妙如此  
歸帆應趁早潮開

義棠橋

介休文字第三篇月映長虹水湛然聞說狐岐鳴鸞鷲  
夜來還夢出山泉

綿上弔介子

陳韶

創霸龍蛇國投閒雀鼠津相君非食肉偕母豈焚身不  
信英明主終忘患難臣綿田無恙否蔓草禁烟新

郭有道墓

無愧碑銘有道阡漢家抔土幾流傳橫汾一自鴻高舉  
投刺人爭向墓田

危言覈論禍相因亂世清流善保身誰識栖栖悲憤意  
輸齋磨鏡具中人

宿義棠驛

李足興

薄暮汾陽路羣峯兩面開山雲隨馬走水鳥避人回何  
處秋砧急前村社鼓催竭來殊有興對月且銜杯

陪初頤園侍郎遊南園

英和

尋幽聯轡到城南古晉風光試共探蠟屐此生知幾兩

看花今日展重三客懷頓爲芳園愜時雨還期大野舍  
蒿徑禁童毋灑掃田家風味最相諳

軟紅車轂幾多時至此真堪解客頤題句我慚鴻印爪  
他年人笑豹留皮精藍一杵鐘聲到驛館三更月色移  
何事清香侵入夢好花折得滿軍持

東河莊

郎成簡

陶穴民風古蒿萊不用刪板橋低跨水曲徑遠通山犬  
吠危崖上雞鳴深樹間荆扉常晝掩此足養愚頑

綿上懷古

范鶴年

朝耕綿上田暮樵綿上樹不見綿上人白雲自月暮

郭有道祠

炎漢將失鹿黨禍更速之夫子何爲者而乃嬰此時曉  
曉本易缺白璧生瑕疵卽不運方轂積羽愁顛危咸陽  
老經生坑之亦何辭不聞立門戶草菅同黔黎我讀先  
生傳更拜先生祠祠前槐已古擁腫是我師材朽衆所  
棄萬古長離披

介子

李兆棠

口不言祿身將隱效尤獨恥貪天功事君返國終事母  
由來教孝卽作忠誰說焚林之推死求之不獲徵盲史  
海濱賣扇者何人矯廉不是陳仲子

郭有道墓

張晉

雖貞非絕俗縱隱不違親一代真名士同舟有幾人聲  
華過俊及轍跡徧風塵小節猶堪效爭傳墊角巾  
黨錮搜羅密炎劉歷數終奇冤同白馬高舉羨冥鴻墓  
道留殘碣槐花發故宮何輪因樹屋千載想高風

郭有道祠

侯興霖

無復人投刺題名向古達大德徵士宅深莽議郎碑炎  
祚天心廢清流國步危獨舒區外翼烏止爲誰悲

文潞公

將相五十年九齡夢帝予天下之異人誠哉遼使語勳

業不勝書大節安宮府最難心休休名諫過善補福德  
郭汾陽千古峙文武

綿山介子祠

李含芳

松檜連雲翠欲流介君祠廟塔巖頭臺荒鴉繞思烟暮  
野澗蛇號忌坂秋割肉寧希崇祿位隱身只合老林邱  
高風綿上知何極寂寞空山桂樹留

回鑿寺

李仙華

誰誰君王駕來遊爲問禪我尋唐代碣直踏介山巔僧  
榻安雲洞梵鐘迸澗泉回鑿初地在憑眺接諸天

義棠橋



管涔一瀉一千里吐氣西來亘若虹天遣兩崖中束縛  
亂流高架石屏風

雁齒橫汾百尺橋素波嫋嫋木蕭蕭秋風一曲雲深鎖  
遁盡龍蛇不可招

漢槐

任附桐

集鳳棲鸞自漢年石欄突兀起雲煙千秋老幹封壇直  
十畝濃陰護豕圓漫說星精垂此地曾傳手澤記前賢  
至今化鶴歸華表對爾懷來邈若仙

馬烈婦詩

趙鈞

左臂爲爺封右臂爲郎舖爺疾有瘳郎弗活年命繫絲  
難矯誣郎應立後憑昆弟妾無堂上白首姑奮身墮增  
樓見者股栗噤不得呼折齒折股終以絕粒死千金之  
軀何爲乎婦氏盧籍鑑湖子歸馬一載踰汾之波揚素  
介之巖抱枯中擁門閭詔表無似此高行合畫圖請  
貽賚恨偷生者多少鬚眉愧丈夫

塔巖寺

侯汾顯

夕陽半隱亂峯西滑蹋千年古石梯清磬一聲雲外落  
上方遙望有招提

遊鴛鴦泉卽事

王世公

一泓勝水碧於油洗盡紅塵豁倦眸山自仙狐遺有穴

泉從神鳥去仍流雲根曳杖尋源遠花底傾樽枕石幽  
漫道清池留客賞萬家引作稻梁謀

汾曲秋風

狐岐山色亂流中葉落橫汾見塞鴻漢武樓船何處去  
蘆花瑟瑟颯秋風

李陵墓

李蘊芳

朝露初晞返故林何緣輿觀雁門深一杯淨土三楹廟  
聊慰當年報漢心

郭有道祠漢槐

梁宗洙

曾向東郊記把杯林宗祠外緬高槐人傳東漢千年物

碑揭中郎一代才不羨守宮爭雨露每懷夾道狎塵埃  
應知老幹濃陰下定自經秋長綠苔

介山懷古

甘恪信

我行千畝聚興懷一馬田旌善薄環封事遠爭見憐先  
勞祿勿及終古慨貪天妄疑賣扇去立枯亦浪傳因何  
厲火禁寒食仍寒烟此俗革漢魏其節垂乾坤千金鑄  
鴟夷功成身飄然落日明忌坂繞樹鴉飛還如聞長歎  
息高歌龍蛇篇

馬烈婦詩

去歲陳留縣曾瞻烈女祠

女氏呂禦強暴而死

今來綿上聚又續

墮樓詩骨碎生何惜心灰死不辭  
闈幽恩有待潑烈想當時

賈侯墓

孟登先

食肉成何事詎忘守土專  
裹瘡當五部嚙齒入重泉  
冢合祁連迴田偕介子延  
橫汾諸父老猶說太和年  
國破聲援絕城懸馳突多  
妖氛沉鼓角臣命壯山河  
恤緯貞魂愴埋燐厲鬼呵  
歛獻論保障典午事如何

介休道中

俞寶華

風光百五催花信綿上人猶祀介  
推聞說思烟臺畔樹至今白鳥自飛回

青搖高柳遠叢叢野曠車迎四面風  
行到介山山路盡戍樓孤聳夕陽紅

綿山行

侯樹屏

山靈應接何時已朝朝蒼翠先人起  
我來直上塔巖頭萬丈虹霓踏足底  
望峯門高高插天兔橋鹿橋相鈎連  
忽擁層層樓閣半空見岳腰曲抱紅  
闌干說法臺棋盤石開元古碑留古蹟  
澗夾陰崖生峭寒洞蟠老樹蔭濃碧  
夕嵐暮靄何氤氳林隙微微透薄曛  
岩溝尚積經年雪窰塢常屯出岫雲  
幾處招提流覽久更復探奇曳杖走才見  
石乳瀉甘泉攀磴又看泉一斗迤邐雲峯寺轉

介休縣志 卷十三  
清滿山風送木魚聲。竭來香氣沾衣袂。多少花開不識名。恍疑身遊衆香國。五色芳蓮雜薝蔔。斜得空王妙拈。花色卽是空空卽色。更憶介子棲隱此山中。劫灰千載恨無窮。欲覓遺蹤杳難覓。綿田草綠殘霞紅。山房偶試春山茗。正值山僧睡初醒。相與溯前徽。論幽景。談禪談到最上。乘晚烟繞磬摩松頂。

南原卮中卽事

城南原上邨背郭十餘里。春風策蹇來滿目。花如綺。鬱閨四五家。宛在畫圖裏。苔徑穿深林。柴門臨溪水。水邊板橋橫迢迢。接峯巒崖迴路轉斜。褰裳行且止。不覺置身高足下。炊烟起小憇坐雲根。超然意遠矣。山光悅道心。泉聲洗塵耳。風景問牧童。嘯歌答樵子。我欲結草廬。日讀書於此。木石鹿豕間。應添一居士。

忌坂

忌坂真危坂。思烟尚禁烟。五蛇新霸國。一馬古封田。豈爲要君隱。相偕賴母賢。入林從此密。殘燒晚霞邊。

樊王廟

十萬橫磨百戰身。首迎赤帝起風塵。從龍豪傑時無敵。屠狗英雄代有人。戲下驚筵推壯士。禁中排闥杖親臣。舞陽威武歐陽筆。千古名垂廟貌新。

同人遊狐岐山

張應升

爲愛狐岐古利幽尋涼共上最高頭輕陰雨灑三庚暑  
空翠風飄六月秋小倚琴樽添座潤遠聽鐘磬散泉流  
千年禹跡人皆仰功德於今勝水留

抱腹巖

莫畏陂陀險靈竒別衆山架空巖若釜盤曲磴如環日  
脚行難到雲根坐可攀何年高捧腹栩栩納禪關

綿山怨

李 維

綿上田綿下田綿田於臣何有焉割股啖君徒自苦君  
返有國臣無股主憂臣辱臣敢怨年年禁火憐愚魯

郭有道墓

侯錫蕃

有道遺阡跡未磨石門缺澗又來過漫言絕我風流盡  
爲讀殘碑感慨多投刺人爭趨北部墊巾士尚效西河  
却憐夏屋烏誰止鴻自高飛避網羅

狐岐山

溫 暄

習僻探烟霞松風引輕策勝水漱蒼玉澄空雲影碧茲  
山經輻輳懷古尋禹跡不見太虛巖破碎餘殘石

遊南園

綠樹陰濃擬結隣城南小築隔罨塵偶親花鳥成佳客  
便向林泉憶古人招隱地留三徑僻養和天縱一園春

介休縣志 卷十三  
聞來許我消清晝暫托藤蘿自在身

綿山怨

張子特

林密山深處聞歌到日斜不知誰氏子歎息賦龍蛇

蜂房泉

陳廷球

手招壁立泉危石垂頭下鍾乳結成窠紫苔補其罅倒  
迸靈源根滴瀝不能罷上覆千仞崖堂墜空際架亘古  
斷晴雨見令五丁詫一泓徹底清軍持誰許借石闌生  
積陰可以坐銷夏相對沁心脾請迴俗士駕棧雲接懸  
磴引我入精舍

漢槐歌

往者介邑會行役私心快謁有道阡中郎碑泐無從摸  
一木竟支炎漢天謾謾松風車共載大槐客舍飄若仙  
老屋歸棲槐亦老高視清流街陌填迄今屈指二千載  
長成獨秀勢騰旋元陰眈眈日驚走虬枝矯起擎雲煙  
擺蕩青空狀貌古若架石骨聳山肩膀發別本倍奇絕  
合圍椿抱腹中堅脩鱗巨鬣蒼龍舞將毋雷雨據其巔  
星精一落一萬丈氣槩橫吞綿上田不知蟠根入幾許  
疑偕坤軸互鈎連婆娑生意嗤典午兒曹拱把真填憐  
建寧故物誰復識搜剔窮極瓦與磚况乃冰霜摧百族  
兔目鼠耳望秋先老勿生火兵燹逼康莊何代靖戈鋌

此樹巋然存無恙撫摩狂叫喜欲顛縱教後更歷年所  
於茲倔強猶當年夾路栽宜五沃土或觸或紡晉西偏  
造化孰爲保初質特表潛德傍几筵苔徑花黃烏爰止  
劫塵葉黑鴻趨然慶爾遭際良不偶竭來名士憑招延  
南柯郡裡董逃作千里青青草向邊大夫之松丞相栢  
在與否耶吾舍旃

新秋渡汾河晚趨介休著作

橫汾初落葉有似洞庭波秋意澹如此遠山間更多驅  
車臨隨會隔水見星河夜靜拋街鼓行遊是處窩

郭有道墓

載得盈車刺清流競下風當時嗟一木此老肯三公望  
重仙舟上名超黨籍中大槐驅薄笨想像逐冥鴻  
璫禍株連劇人倫簡拔多論交非標榜歎逝輒悲歌高  
士芻堪束中郎碣已磨一坏綿上聚猶傍漢山河  
城南金果園爲唐太宗降尉遲敬德處

雀鼠乘天險飛揚逐鹿心諸軍方轉戰上將已成擒肝  
膽重圍稍精誠暮夜金枝梧啗竊據懸首陣雲深

秦栢

靈根直託祖龍蟠對爾榮枯感百端忌坂烈風驚失鹿  
長城明月照棲鸞銅柯老闋山河變元氣陰摩象緯寒

介子祠  
羸蹶漫希人愛樹大材寄作不材觀

介子祠

鄭起昌

自古功成退貪天何足云從亡曾訣母偕隱豈要君霸業龍蛇聚封田鳥雀耘至今寒食祭祠廟入斜曛

文潞公祠

獨坐安官禁危疑仗上公降生南極老卧護北門雄讞獄昭持法題衙許鞠躬爲憑勤轉餉已識善從戎貝破精神炯廷推福德隆省兵操遠策獎士勵高風蜀錦興謠詠商盤勒事功宣麻巖闕慶值宿主臣融懾奄爭先斷誅奸靖內訂名還容直諫援立讓羣工四制批浪壤

天心奮舌通諍言殊灌灌柄國竟夢夢密勿賡歌罷傾斜羽翼攻去仍開幕府謫亦眷宸衷碩果三朝舊靈光九秩崇壯驚遼使久耄慨黨人終氏族誇綿上耆英繪洛中仙班元祐選地望涑川同信史榮名在貽謀令子蒙詞章求石刻翰墨羨紗籠莊已荒千畝祠方拓一弓冠裳瞻肅穆几席想淵冲顏額提封潞摩碑賜諡忠太平真將相勳業蓋穹窿

馬烈婦詩

陳景湄

橫汾一高樓高出介子鄉樓中聚貞魄孤雲常飛揚盧家有嬌女族望逾齊姜隸籍稽山陰寄居晉水陽少小



失所恃出入爺扶將爺疾乞身代禱天瀝柔腸一杯附  
子膾骨月何馨香愛憐願有家冰上人語長廿三遲于  
歸坦腹馬最良馬故大家子得之亦稱快貲郎車從都  
妾奉師氏誠以禮佐中饋富貴不足怪務德名乃葩夙  
夜期匪懈相保共白頭燕婉良時邁君非薄祿相載餘  
遽彫療夫子之病革據牀頻歎息死者長已矣生者計  
安出婦慰徒自苦昨卜筮云吉醫言疾可療無妨蒲柳  
質欲語聲暗吞恐傷其胸臆喘喘復向訣我躬難久全  
倘再忍須臾更對誰爲宣大義結夫婦胡竟勿見憐聞  
詞婦嗚咽涕出如珠連送子以賤軀覓子以重泉自古  
皆有死性命詎苟延誓不相背負白日蒼蒼天剜肉和  
丸進血淚交新鮮此臂一再割撫膺情纏綿裂衣裹刀  
癡所冀沉痾痊何哉鬼伯促浮生壯卽休九原遙相待  
執手成千秋拘尸旣卒殮傷人祇隱憂各各謝親串含  
悲申綢繆妯娒諸婦性請將子立後寬大兼旁觀丁寧  
煩衆口無子若流星子在身堪守承祀妾願畢慰郎併  
姑舅妾身已許人薄命妨容受藐孤任自爲衷曲苦難  
剖改容應聲諾阿姆意良厚奄忽上樓頭招要來悲風  
愁雲結黯淡轉盼分西東顧我將安歸哀鳴聞孤鴻徘徊  
亦彷徨慷慨還從容漫爲兒女態入地當追從給婢

趣使下奮身逐飄蓬千金輕一擲地下骨驚戰精誠所  
感觸天日爲之變狼藉委階除玉碎花飛片更屏首陽  
薇節尊人命賤留以表禮宗咄咄傳殆徧徑寸鐵石心  
照徹冰雪清冰雪寧消殘不甘松栢生摩笄崖血碧捐  
玦竹淚斑登樓遠眺望魂神往復還眼中見突兀彷彿  
憑其樞懷清巴婦臺誰云絕躋攀寄聲告蛾眉死亦重  
泰山

壯武侯宋昌

徐品山

欲危劉氏誅諸呂中子堪立光先緒迎來代北議紛紜  
內變已平更誰舉楚上將軍義子昌獨識天人啓太王  
王者無私一語定渭橋觀聽何堂堂當年驟乘惟公倚  
代邸六人詎足比策勳壯武典禁兵雲龍風虎乘時起  
綿上田遺一馬封千秋漫說貪天功厚培漢祚致刑措  
端在通侯勸進中

蒙

恩開復恭紀二十四韻

品山承乏介邑二載戊辰夏理藩院侍郎出使  
西藏得有站規越明年事發治罪咨取山西川  
陝沿途州縣五十餘員職名分別降革品山於  
五月二十五日離任九月十八日奉 旨開  
復各以相當之缺補用品山仍除介休感激涕

零謹誌以詩並以自警

進退屯適日

殊恩降

紫宸雷霆鳴輒止雨露沛

維均憶自太行麓移來汾水濱職當供委積氣頗識金  
銀卿月洵高潔奴星亦苦辛與原傷厥惠過却近乎仁  
遂至貪夫殉渾忘臬事陳爭端起蠻觸淑問逮冠紳西  
訖巴兼蜀東連晉與秦終朝齊禩服一路幾完人

大意難窺管輿情欲借恂詎知成例格徒向長官申

邑人奏密不推門靜堪羅雀樽空罷宴賓寓公名分古令尹

政刑新燕已爲行客花猶伴逐臣學書休咄咄集議任  
斷斷世態看方熟吾生引復伸華封將介 壽黍谷

卽回春待補班鳩拙旋收老馬馴珠仍還合浦劍未化  
延津勉續黃梁夢彌慙白璧身苞苴嚴獨夜盞盞飭同  
寅霜肅庭前戟風清陌上塵大凡中智士功過每相因

馬烈婦詩

陸元鏞

捐軀古所難况乃在中幅咄哉奇女子死生輕一擲結  
襁一載餘夫病遺易簣夫死以身殉慷慨無難色峩峩  
高門內危樓聳百尺奮身墮樓前飄若雲中翼此恨欲  
摩笄此心能化石請看階下苔至今血痕赤

鬱鬱連理樹枝葉紛相樛上有比翼鳥飛鳴聲啾啾貞  
魂渺何許極目空高樓登樓一眺望汾水揚清流宰任

闡幽責風烈冠冥搜 九重錫坊表彤史名長留爲顏  
常山舌爲巖將軍頭盡忠與盡節立志同千秋

遊狐岐山

陸以潤

出郭見山色山山趁馬蹄林深稀過客村靜有鳴雞水  
碓迎灘急炊烟隔樹迷我行忘遠近好景指前溪  
頓覺塵襟豁登臨亦壯哉聽泉疑雨至坐石待僧來曲  
徑隨花入新詩倩鳥催何時重過訪把酒白雲隈

板橋城懷古

陳景湛

左部據蒲子前軍壓板橋瘡痍猶未集豺虎一何驕背  
水朝寒幟登陴夜擊刁悲歌劉越石汾澗戰場遙

滾鐘寺

卽宏濟寺

宏濟唐初寺奇聞記滾鐘曉烟汲山衲前路失雲峯天  
際塔留影坡前草偃蹤當年禪慧託巖翠擁重重

郭有道祠漢槐

鄭聯宗

不信中郎碑石泐婆娑尚撫建寧槐勢支炎漢陰長在  
氣壓隨城鬱弗開太學渠魁空作市南柯幻夢漫程材  
懷來絕代知名士吉莫韡穿幾度來

介休縣志卷十四

雜志

古立稗官凡街談巷語必採之亦芻蕘狂夫之意漢書載小說者流至十五家而志怪齊諧流傳不廢况林泉逸士廊廟鉅公摭拾舊聞筆諸記載足以補正史之闕者傳信傳疑姑並錄之用資考証焉

異苑介之推逃祿隱迹抱樹燒死文公拊木哀嗟伐而製屐每懷割股之功俯視其屐曰悲乎足下足下之稱始此

王肅器服要記桂樹者起於介之推之推晉之人也文

公有內難出國之狄之推隨其行割肉以續軍糧後  
文公復國忽忘之推之推奉唱而歌文公始悟當受  
爵祿之推奔介山抱本而燒死國人葬之恐其神魂  
賈賈當於地故作桂樹焉

離騷惜往日介子忠而立枯兮文君寤而追求封介山  
而爲之禁兮報大德之優游思久故之親身兮因縞  
素而哭之

呂氏春秋晉文公反國介子推不肯受賞自爲賦詩曰  
有龍於飛周遍天下五蛇從之爲之丞輔龍反其鄉  
得其處所四蛇從之得其露雨一蛇羞之槁死於中  
野懸書公門而伏於山下文公聞之曰嘻此必介子  
推也遷舍變服令士庶人曰有能得介子推者爵上  
卿田百萬或遇之山中負釜蓋登問焉曰請問介子  
推安在應之曰夫介子推苟不欲見而欲隱吾獨焉  
知之遂背而行終身不見

劉向說苑介子推從者懸書宮門曰有龍矯矯頃失其  
所五蛇從之周遍天下龍饑無食一蛇割股龍反其  
淵安其壤土四蛇入穴皆有處所一蛇無穴號於中  
野

山堂肆考晉文公與介子綏俱亡子綏割腓股以啖文

公文公復國子綏獨無所得作龍蛇之歌而隱文公求之不肯出乃燔左右木子綏抱木而死文公哀之令人三月五日不得舉火後人謂之禁烟又謂之冷節又曰熟食子綏卽之推

晉史乘文公反國酌士大夫酒召舅犯而將之召艾陵而相之授田百萬介之推奉觴而起曰有龍矯矯將失其所有蛇從之周流天下龍旣入深淵得其安所蛇脂盡乾獨不得甘雨此何謂也文公曰嘻是寡人之過也吾爲子爵與待旦之朝也吾爲子田與河東陽之間介之推曰推聞君子之道謁而得位道士不

居也爭而得財廉士不受也文公曰使我得反國者子也吾將以成子之名介之推曰推聞君子之道爲人子而不能承其父者則不敢當其後爲人臣而不能見察於其君者則不敢立於其朝然推亦無索於天下矣遂去而之介山之上文公使人求之不得爲之避寢三月號呼朞年詩曰逝將去汝適彼樂郊適彼樂郊誰之永號此之謂也文公待之不肯出求之不能得以爲焚其山宜出及焚其山遂不出而焚死池北偶談載說苑介之推十五爲荆相堂下有二十五進士堂上有二十五老人是又一介之推也

祭辛雜識綿上火禁升平時禁七日喪亂以來猶三日相傳火禁不嚴則有風電之變社長輩至日就人家以雞翎掠竈灰雞羽稍焦卷則罰香紙錢有病及老者不能冷食就介公廟卜乞小火吉則燃木炭取烟不吉則死不敢用火或以食暴日中埋食器於羊馬糞窖其嚴如此戊戌歲賈莊數少年以禁火日飲酒社樹下用柳木取火温酒至四月風雹大作積數日乃消又云火禁中雖冷食無致病者

後漢書周舉傳遷并州刺史太原一郡舊俗以介子推焚骸有龍忌之禁至其月咸言神靈不樂舉火白是士民每冬中輒一月寒食莫敢烟爨老小不堪歲多死者舉既到州乃作弔書以置子推之廟言盛冬去火殘損民命非賢者之意以宣示愚民使還温食於是衆惑稍解風俗頻革

魏武帝明罰令聞太原上黨西河鴈門冬至後百五日皆絕火寒食云爲介子推且北方沍寒之地老少羸弱將有不堪之患令到人不得寒食犯者家長半歲刑主吏百日刑長奪一月俸

石勒傳雹起西河介山厯太原樂平武鄉趙郡廣平鉅鹿千餘里樹木摧折禾稼蕩然勒正服於東堂以問



徐光光對曰去年禁寒食介推帝鄉之神也歷代所尊或者以爲未宜替也縱不能令天下同爾介山左右晉文之所封也宜任百姓奉之勒下書曰寒食既并州之舊風朕生其俗不能異也前者外議以之推諸侯之臣王者不應爲忌故從其議倘或由之而致斯災乎之推雖朕鄉之神非法食者亦不得亂也尚書其促檢舊典定議以聞有司奏以之推歷代攸尊請普復寒食更爲植嘉樹立祠堂給戶奉祀於是復寒食如初

北魏太和二十年二月癸丑詔介山之邑聽爲寒食自

### 餘禁斷

王嘉拾遺記晉文公焚林以求介之推有白鴉繞烟而噪或集之推之側火不能焚晉人嘉之起一高臺名曰思烟臺

唐李涪刊誤曰論語曰鑽燧改火春榆夏棗秋柞冬槐則四時皆改其火自秦漢以降漸至簡易唯以春是一歲之首止一鑽燧而適當改火之時是爲寒食節之後既曰就新卽去其舊今人待新火曰勿與舊火相見卽其事也又禮記郊特牲云季春出火曰禁火此則禁火之義昭然可徵俗傳禁火之因皆以介推

介休縣志 卷十四  
爲據是不知古以鑽燧証之

升菴集洪容齋云寒食禁火不由介推其言是矣近觀十六國春秋石勒下令寒食不許禁火後有冰雹之異徐光曰介推帝鄉之神也歷代所尊未宜替也宜令百姓奉之勒又令尚書定議以聞韋謏曰推忠賢令綿介之間奉之爲允於天下則不通矣勒從之令并州復寒食如初容齋亦未之攷耶然勒禁天下寒食而至隋唐已復禁改火觀隋李崇嗣普天皆滅焰匝地盡藏烟之句及元稹連昌宮詞自注唐時京城寒食火禁以雞羽入灰有焦者罪之亦極嚴矣火禁迨今則絕不知而四時亦不改火自胡元入中國鹵莽之政也然寒食不必復改火乃先聖節宣天道可因元人而廢之乎

粧樓記并州茹女泉婦人靚粧綵服至其地必興雲雨或云茹女是介之推妹

狐岐山半有洞久爲狐穴日夜出爲祟居民莫能制時張良西入關道出綿上居民以狐患告良卽臨洞視之狐歛跡不敢出良去祟如故民復追及良請絕後患良曰予奉漢王命不能久居於此狐旣畏予其卽以予名村也可民如言呼爲張良村患遂息

通志漢文帝元年用宋昌為衛將軍位亞三司此儀同三司之始

郭泰遊洛陽始見河南尹李膺膺大奇之遂相友善於是名震京師後歸鄉里衣冠諸儒送至河上車數千輛林宗唯與李膺同舟而濟眾賓望之以為神仙

郭林宗遊陳梁間行遇雨巾一角墊時人乃故折巾一角以為林宗巾其見慕皆如此

郭泰別傳曰泰名顯士爭歸之載刺常盈車

商芸小說郭林宗來遊京師當歸鄉里送車千許乘李膺亦在焉眾入皆詣大槐客舍而別獨膺與林宗共

載乘薄笨車上大槐坂觀者數百人引領望之渺若

松喬之在霄漢

漢紀童子魏照求入事郭泰供給灑掃泰曰當精義講習何來相近照曰經師易獲人師難遭欲以素絲之質附近朱藍

後漢左原為郡學生犯法為諸生見斥郭林宗遇之於路乃設酒殺以慰之人譏林宗不絕惡人林宗曰人而不仁絕之已甚亂也原後結客欲報諸生值林宗在學愧負前言遂罷去

郭泰適陳留則友符偉明遊太學則師仇季智之陳則

親龐德公入汝南則交黃叔度

郭林宗宿逆旅輒躬灑掃及明去後人見之曰此必郭有道昨夜宿處也

世說新語郭林宗至汝南造袁奉高車不停軌鸞不輟輒詣黃叔度乃彌日信宿人問其故林宗曰叔度汪洋如千頃之波澄之不清擾之不濁其器深廣難測量也

郭泰遊學無資就姊夫貸錢五千乃遠至成臯從師受業併日而食衣不蔽形常以蓋幅自障出入則護前出則掩後

郭林宗有友人夜冒雨至剪韭炊餅食之

茅容殺雞爲饌林宗意爲已設旣而供其母以草蔬與客同飯林宗拜之曰卿賢乎哉因勸令學卒以成德陳子文益州于役記介休縣東八里有郭林宗墓墓在道南北向祠宇整潔蔡碑淪沒太原傅山重刻石祠下墓大二畝許高二丈墓門右古槐一樹大四十圍枝幹虬結勢干雲象鍾靈千餘年極爲珍觀允表名木

穎川鄢陵人庾乘少給事縣庭爲門士泰見而拔之勸遊學宮遂爲諸生傭後能講論自以卑第每處下坐

諸生博士皆就讐問由是學中以下坐爲貴徵辟並不起號曰徵君

扶風人宋果字仲乙

一作文

性輕悍喜與人報仇爲郡縣

所疾林宗乃訓之義方懼以禍敗果感悔叩頭謝罪遂改節自飭後以烈聞辟公府侍御史并州刺史所  
在能治

晉陽人王柔字叔優弟澤字季道兄弟總角俱候林宗以訪才行所宜林宗曰叔優當以仕進顯季道當以經術通然違方改務亦不能至也後果如所言柔爲護匈奴中郎將澤爲代郡太守

濟陰人黃允字子艾以雋才知名泰見而謂之曰卿有絕人之才足成偉器然恐守道不篤將失矣後司徒袁隗欲妻以從女允聞而黜遣其妻夏侯氏以此廢於時

陳留人史叔賓少有盛名泰見而告人曰牆高基下雖得必失後果以議論阿枉敗名云

汝南名陵人謝甄字子微與陳留邊讓並善談論俱有盛名每候泰未嘗不達晝夜泰謂門人曰二子英才有餘而並不入道惜乎甄後不拘細行爲時所毀讓以輕侮曹操操殺之

有道德先生嘗識張孝仲芻牧之中如范特祖郵置之役  
名公子許偉康並出屠沽司馬子威拔自卒伍及同  
郡郭長信王長文韓文希季子政曹子元定襄周康  
子西河王季然雲中邱季知郝禮真等六十人並以  
成名

黃憲天祿閣外史李膺訪徵君於衡門雪甚道遇郭泰  
而問曰子得見叔度邪曰泰昔以布衣交安得不見  
子以軒冕交亦軒冕者謁之耳安得見李膺有慚色  
乃稅駕於野與郭泰乘蹇驢而造焉有樵者臨溪浣  
足而歌曰衡門之雪霏霏兮有客緼袍寒谿澹而無  
聲兮木落遠皋二子聞而凄然

晉書楊方傳賀循報書諸葛恢曰昔許子將拔樊中昭  
於賈豎郭林宗成魏德公於畎畝足下志隆此業二  
賢之功不難及也循稱方於京師司徒王導辟爲掾  
北齊書恩倖傳有開府薛榮宗常自云能使鬼帝信之  
經古冢榮宗問舍人元行恭是誰冢行恭戲之曰林  
宗冢復問林宗是誰行恭曰郭元貞父榮宗因前奏  
曰向見林宗從冢出著大帽吉莫鞞操馬鞭問臣我  
家阿貞來否

摩斯事空王佛於宏濟寺日供厨膳夜感白兔用鐘取

水不竭

宏濟寺在銀錠山巔寺僧汲水甚艱夜半有金剛以鐘汲水甕常滿衆異之密跡於山門外驟失聲金剛卽不見鐘墮地滾入汾水後河津縣覺成寺得巨鐘於汾水濱孔皆銅錮人不敢懸卽此鐘也今寺東南有滾鐘坡春夏間草茂獨寺側至山下一道草胥偃望之宛然可辨

空王佛卓錫抱腹巖僧徒百衆麥惟六石日磨五斗從春至夏食之旣久檢覆尚餘四斛

空王佛與衆僧談禪夜半未輟忽有羣賊排門直入白刃交加而合坐端然不動羣賊乃羅拜皈依佛因開導善根咸知悔悟合掌而退

唐高祖留守太原卽尊禮志超義寧二年超率弟子二十餘人奉慶京邑高祖引登太極殿待之殊禮左僕射魏國公裴寂別置僧院延衆住持至武德二年還抱腹巖

唐書武德二年秦王追宋金剛至雀鼠谷日中八戰賊皆敗斬級數萬獲輜重千乘金剛走介州官軍追之以餘軍二萬出西門背城陣亘七里王令李世勣程巖金秦叔寶爲北軍翟長遜秦武通爲南軍旣戰小

卻王以精騎突擊破之金剛將輕騎去賊將尉遲敬德尋相張萬歲降收其精兵遂復介州

唐太宗討劉武周糧運弗繼有耕女

舊志稱耕女考字典並無耕字想亥

豕之誤今依通志改正

餽濁酒脫粟飯數日太宗卽位訪諸境

內弗獲貞觀十五年勅封助國聖母建廟以祀

撫言宋文太師彥博幼侍父令公監征閩州有道士異之曰公南極之精降爲國之申甫遂自號南極真子世說潞公幼與羣兒擊毬毬蹴入柱穴中公以水灌之毬旣浮出

榆次志潞公爲榆次令日嘗作詩題縣門鼓云置向譙樓一任擲多擲少不知他黃綢被裏曉眠熟探出頭來道放衙宰相見之卽知其爲公輔器

潞公爲榆次令呂申公宣撫河東有毀公於呂者呂意頗不喜公及公謁呂望見大奇公狀貌坐語良久因謂公曰藏有好墨明日可將來蓋欲觀潞公之手也自是待公甚厚且許爲大有福德人薦公於上云

機警錄潞公知成都大雪會帳下卒共拆井亭燒以禦寒軍將以聞公徐曰今夜誠寒亭弊矣正欲改造更有一亭可盡拆爲薪樂飲如常明日乃究問先拆亭者杖而流之



趙萊公錄寶元中河東關漕使堂上議難得可任者章  
郇公言聞縉紳說文彥博者磊落有稱呂許公曰恨  
不識也可名來面詢之明日召至堂上及退許公嘆  
曰此大有福人何所任用不可遂自殿中侍御史差  
委明年就遷待制不出十年出將入相

涑水記聞樞密直學士明鎬討貝州久未下上深以爲  
憂問於兩府參知政事文彥博請自往督戰八年正  
月丁丑以彥博爲河北宣撫使監諸將討貝州時樞  
密使夏竦惡鎬凡所奏請多從中阻惟恐其成功彥  
博奏今在軍中請得便宜從事不申覆上許之公至

貝與明鎬督諸將築距圍以攻城旬餘不下有牢城  
卒董秀劉炳請穴地以攻城公許之貝城南臨御河  
秀等夜於岸邊穿穴棄土於水晝匿穴中城上不之  
知也久之穴成自教場中出秀等以褐袍塞之走白  
公選取敢死二百命指使將之銜枚自穴入有虞侯  
楊遂請行遂曰軍士中有病歿者數人不可去請易  
之從之既出穴登城殺守者垂縲以引城外入城中  
驚擾遂生擒王則

知永興軍起居舍人母湜鄆人也至和中湜上言乞廢  
陝西鐵錢朝廷雖不從其鄉人多知之爭以鐵錢買

物賣者不肯受長安爲之亂民多閉肆僚屬請禁之  
彥博曰如此是愈使惑擾也乃召絲絹行人出其家  
縑帛數百匹使買之日納其直盡以鐵錢勿以銅錢  
也於是衆知鐵錢不廢市肆復安

墨莊漫錄文潞公丞相出鎮西京奉詔於瓊林苑燕餞  
從列皆預賦詩送行王禹玉時爲內相詩云都門秋  
色滿旌旗祖帳容陪醉御卮功業迴高嘉祐末精神  
如破貝州時匣中寶劍騰霜鏑海上仙桃壓露枝昨  
日更聞褒詔下別刊名姓入周彝時以爲警絕曾絃  
伯容爲予言此詩第一句便見體面之大若非上公

大僚詎敢於都門而張旌旗耶此餘人所不可當也  
白居易獻裴度丞相詩云聞說風情筋力在只如初  
破蔡州時禹玉用此事也

文潞公留守西京慕唐白樂天九老會於是悉聚洛中  
大夫賢而老者凡十二人又命鄭魚圖形妙覺寺各  
賦詩贈答時人呼爲洛陽耆英會司馬溫公爲之序  
其相聚也尚齒不尚爵時富鄭公年七十九潞公與  
司封席汝言皆七十七朝議大夫王尚慕七十六太  
常卿趙丙秘書監劉幾衛州防禦使馮行己皆七十  
五天章閣待制楚建中七十三朝議大夫王愼言七

十二大中大夫張問龍圖閣直學士張壽皆七十司  
馬溫公六十四故潞公詩云當年尚齒尤多幸十二  
人中第二人鄭公贈詩云顧我年齡雖第一在公勲  
德自無雙潞公再答詩云惟公福祿并功德合是人  
間第一人是時宣徽使王拱宸年七十留守大名贈  
詩二公預其數凡十三人

澠水閒談仁宗天縱多能尤精書法凡宮殿門關多帝  
飛白題榜勲貴率賜篆隸賜彥博父曰教忠集慶

墨莊漫錄文潞公爲相日赴秘省曝書宴令堂吏視閣  
下芸草乃公往守蜀日以此草寄植館中也因問蠹  
出何書一坐默然蘇子容對以魚豢典畧公喜甚卽  
借以歸

明道雜志文潞公以太尉鎮洛師遇生日僚吏皆獻詩  
多云五福全者潞公不悅曰遽使我考終命耶有一  
客詩綽約肌膚如處子蓋用莊子姑射山人是也洛  
人笑之曰願爾得婦色若此潞公色黥也

元豐七年春潞公旣告老奏乞赴闕親辭庶盡臣子之  
誠旣見卽日錫宴顧問溫渥上酌御盞親勸數日陛  
辭上遣中使以手劄諭公留清明飭有司與公備二  
舟泝汴還洛至是日錫宴玉津園公作詩示同席翊

日上用公韻和之親灑宸翰就第賜公特命三省以上赴瓊林苑宴餞復賜御詩送行公留京師一月凡見上五賜宴者三賜詩者再顧問不名稱曰太師寵數優異

石林燕語元豐末文潞公致仕歸洛入對時年幾八十神宗見其康強問卿攝生亦有道乎潞公對無他臣但能任意自適不以外物傷和氣不敢做過當事酌中恰好卽止上以爲名言

聞見錄元祐初起公平章軍國重事召程正叔爲崇正殿說書正叔以師道自居每侍講色甚莊繼以諷諫上畏之公對上恭甚進士唱名侍立終日上屢曰太師少休公頓首謝立不去時年九十矣或謂正叔曰君之倨視潞公之恭議者以爲未盡正叔曰潞公三朝大臣事幼主不得不恭吾以布衣爲上師傅其敢不自重吾與潞公所以不同也識者服其言

山堂肆考文潞公園池薄東城水渺彌甚廣汎舟游者如在江湖間也淵映瀍水二堂宛在水中湘廬藥圃二堂間列水右潞公年九十官太師尚時杖履遊之涑水記聞王介甫與韓子華合謀欲沮文潞公且奪其權一日發中旨置審官西院樞密初不知也

容齋隨筆熙寧初文彥博呂公弼已爲樞密使而陳升之過關留王安石以升之曾再入樞府遂除知樞密院知院與使並置非故事也安石之意以沮彥博耳老學菴筆記韓魏公聲雌文潞公步碎相者以爲二公若無此二事皆非人臣之相

野老記聞蘇子由作文潞公麻詞云郭氏有永巷之嚴裴公有綠野之勝乃餞潞公歸洛致語耳非王言也司馬光詩註前時與堯夫游西街得新出白千葉花以呈潞公公名之曰玉玲瓏

東坡別集蘇子瞻出守錢塘來別文潞公公曰願君至杭少作詩恐爲不相喜者誣謗再三言之臨別上笑曰若還興也便有箋云

東坡尺牘頻得潞公手書皆詳悉精好

歐陽修歸田錄至和初陳恭公罷相而並用文富二公余時爲學士奏事垂拱殿上問新除彥博等外議如何余以朝士相賀爲對上曰自古人君用人或以夢卜不知人當從人望夢卜豈足憑邪故余作文公批答云永維商周之所記至以夢卜而求賢孰若用縉紳之公言從中外之人望者具述上語也

馬永卿嬾真子洛中士人張起宗字起宗以教小童爲

生居於會節園側年四十餘一日行於內前見有西來行李甚盛問之曰文樞密知城都回也姬侍皆騎馬錦繡蘭麝溢人眼鼻起宗自嘆曰我丙午生相遠如此旁有瞽卜輒曰秀才我與汝算命因與藉地卜者出算子約百餘布地上幾長丈餘凡闕兩時曰好笑諸事不同但三十年後有某星臨某所兩人皆當對案而食者九箇月起宗後七十餘歲文公亦居於洛起宗視其交遊飲宴者皆一時貴人輒自疑曰余安得並案而食乎一日公獨游會節園問其下曰吾適來聞園側教學者甚人對曰老張先公曰請來及

見大喜問其甲子文與之同因呼爲會節先生公每召客必預召赴人會無先生則不往公爲主人則撈於左公爲客則撈於右並案而食者將及九月公之子及甫知河陽府公往視之公所居私第地名東田有小姬四人謂之東田小籍共升大車隨行祖於城西有伶人素不平之因爲口號曰東田小籍已登油壁之車會節先生暫別玳筵之宴坐客微笑自此潞公復歸洛不復召之矣瞽之言異哉聞之於司馬文

季

歐陽修歸田錄馬永卿元豐改官制文彥博常以河東

節度使守太師元祐初彥博罷節度使入爲平章軍  
國重事卽去守字

元豐改使相爲開府儀同三司元祐五年太師平章軍  
國重事文彥博爲開府儀同三司守太師充護國軍  
山南西道節度使致仕

宋封公者王文獻祁丁秘監晉章文簡卞王武恭祁冀  
魯富相祁鄭韓文侍中潞

宣撫使宋不常置累朝但除文彥博等五人

通考國朝元臣拜兩鎮節度使者才三人韓魏公文潞  
公中興後呂成公是也三公卒辭之

太師爲異數自趙晉以開國元勳文彥博以累朝耆德  
方特拜焉雖太傅王旦司徒呂夷簡各任宰相二十  
年止以太尉致仕

韓忠定公墓誌洪洞韓忠定公生時父夢紫衣人抱送  
文彥博至其家故名曰文

東嶽村民收養一白牛一日牛忽言曰吾乃泓中白龍  
神也久居於斯今被黑龍所困約明日與戰見有黑  
氣可助我以礮倘得驅黑龍去吾可安居以濟爾鄉  
次日衆至泓所果水波沸騰黑氣四塞如言助之旋  
見黑氣冲天而去因名爲白牛泓

文家庄舊無龍王廟相傳昔年南山水漲時忽漂一巨石至其狀如牛一老人夜夢石作人言曰吾白牛泐中龍神也建廟祈禱當有應遂立廟祀之今廟中有池池中尚卧大石

妖神廟相傳潞公未第時妖狐現形曰公後必大貴願朝夕供灑掃未幾潛踪及征貝州王則復現形助戰賴以奏凱公感其義建廟祀之榜曰元神廟蓋白狐千年則化爲元也後間出爲祟里人禱之亦能隱致其福故香火歷數百年不衰至明嘉靖十一年詔天下毀淫祠知縣王正宗因改爲三結義廟迨順治十六年四月初八日祀事旣畢漏下二鼓烈焰歟發成焦土論者爲妖神餘孽所致

國初有寶峯者不知何許人自平陽來住關子嶺四十餘年增補橋梁修闢路徑力能轉巨石雖瓦礫必擲去今成坦途復建茶亭以濟行人

退壁村有溝名爺爺村人累代呼之未詳所自康熙十五年元旦村中士女咸謂夢中有人告曰石佛出現聞者或以爲妄一二老父曰我村中爺爺溝得毋有神在乎於是羣詣溝所果見崖旁新露一孔掘不數尺儼然五石像在焉中爲三尊大士傍爲關帝伽藍



衆謀別建一宇粧以黃金移入供養榜爲石佛洞  
康熙四十八年李家堡橋上忽有佛像五尊皆鐵鑄成  
不知何來數月如故村民孟懷珍乃移入玉皇廟中  
造龕供養呼爲自來佛凡有疾病祈禱輒應

乾隆二十五年生員梁浩在東郊二里許建母氏節孝  
坊日督匠役恐失器械夜露守睡醒見一物似犬在  
傍跳躍去而復來者數次審視之乃狼也正惶遽間  
忽一人持挺而來狼乃去問曰爾何在此梁告之故  
曰此間每夜有狼狼卽能禁竊何用守爲言訖不見  
人以爲孝感云

五里莊壁上有名媛愛玉重書義棠橋詩二首清婉可  
誦似南人被挾北行者附錄於此霧鬢風鬟亂曉妝  
淡雲孤月影微茫自憐薄命同秋草戎馬鞍頭困海  
棠結束殘妝向北征朔風吹雨淚無聲可憐目斷江  
雲裏縱有思親夢不成

介邑科第蟬聯以梁姓爲最雍正己酉梁收與次子文  
霖三子文山同舉於鄉長子文元四子文醇五子文  
五亦相繼登賢書收卽中庚戌甲榜文山旋於癸丑  
成進士官詹事府左春坊一時傳爲佳話而康熙年  
間高氏弟兄攀蟾攀鳳攀麟攀霞均以武進士起家

攀龍攀丹並舉武科兩家文揆武奮競秀爭雄亦徵

山川清淑所鍾云

南園離城三里許李曉園別駕之別業松栢蒼老引流  
疊石亭軒極其幽勝縉紳先生往來行過是都者多  
讌集題詠其中毗連有張氏靜觀佳興二園地稍隘  
而近亦就荒矣

義安村人郭子輝賦性耿介家貧自食其力從不乞貸  
於人有周之者卻勿受其妻孟氏勤操作克承夫志  
嗣年老無子生計日蹙子輝語婦當以一死全素履  
婦泣勸不從請與偕亡恐無故捐軀累鄰里夫婦潛  
至綿山捨身崖投崖死

限期單

借書証號碼 應還日期

山西省圖書館

104507-16

1. 請愛護書籍。
2. 借書已滿期即交還。
3. 請勿轉借與他人。
4. 請勿在書上批注、圈點、污損及損壞。
5. 如有損壞請來館辦理手續。

山西省圖書館





原件收藏

山西省图书馆

原件书号

109509-16

原件状况

原件有部分字迹模糊

原件个别地方破损

原件有部分有污迹

[嘉慶]介休縣志十四卷

(清)徐品山 陸元鑣 修 熊兆占 等纂

清嘉慶二十四年刻本

八册

部书共摄制

1

卷

卷一至卷十四

版权所有 不准复印

# 本部书完

本片卷含： 卷一至卷十四